







Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1260/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1260/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1260/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1260/A

1260

A. 2011

Fix

1261

ce

P. 5049

150 152 1

a. 1000 1000
1000 1000
1000 1000

4771 (1)

HIERONYMI
CAPIVACCII ME-
DICI CLARISS. ET

ACADEMIÆ PATAVINÆ

Profefs. ordinarij de Lue Ve-
neraacroafeis.




SPIRÆ.

Typis Bernardi Albini,
An. clo. lo. xc.

L.

REVERENDO VIRO, DO-
CTRINA PIETATE, AV-
CTORITATEQUE PRÆSTANTI
D. Iohāni Schopflo Abbati Blau-
fontano Domino ac ami-
co suo colendiss.
S. P.



REVERENDISSIME D.
Abbas, amice colendissime atq;
clarissime: sæpe numero optavi,
occasionem mihi dari, ut ani-
mi mei propensionem amorem-
que, quem erga te, ac tuos gero, notam vobis
testatāque facere possem: cum tu aliquot vici-
bus, literis perelegantibus, & humanitatis
sale conditis, me provocaveris: ut iure merito
vicissim à me accipere non solum literas, sed
etiam mutua benevolentia *mutuo uti* debeas.

Verum propter loci distantiam, aliasque
difficultates (ut de quotidianis taceam occu-
pationibus) meas ad te mittere haud commo-
dè potui: & hætenus etiam opportunitas mi-
hi defuit satisfaciendi desiderio meo debitum-
que condignè exsoluendi. Interim tu non
sum oblitus, more vulgi (quod presentes tan-
tum amicos colit, & maximè ob commoda)

PRAEFATIO.

Sed licet absens esses, & satis longo intervallo à me remotus; tamen in pectore meo, imò in ossibus ac medullis hasisti.

In huius rei testimonium certissimum atq; evidentissimum, LUCAS GHINI Medici Bononiensis olim clarissimi; & HIERONIMI CAPIVACII professoris Ordinarij in Academia Patauina, praeceptoris meicolendissimi P. M. ὑπομνήματα de lue venerea tibi mitto: quae me ab huius criminis suspitione liberabunt (si modò excusationem vis admittere) & Τεκμήριον deinceps erunt amicitiae inter nos inita; nullo unquam tempore interitura.

Quaquam autem me non latet, complures variarum nationum Medicos, maximè Italos, accuratè diffuseque de hoc argumenti genere praecepisse (id quod testatur grande illud volumen de morbo Venereo ante annos viginti tres Venetijs editum) tamen cum hi duo, doctrina & fama nomine, superioris aetatis hominibus nequaquam postponendi; Utilissima praecepta, & singulares quasdam observationes, de hac ipsa materia auditoribus suis tradiderint, prae nominatorum Virorum monumenta praelo commissa, ad posteritatem

PRÆFATIO.

*ritatem transmittere volui : non tam mei
caussa: qui ista legens, animum oblecto suavis-
sima recordatione temporis illius, quod Para-
uij in studiis traduxi, quàm studioforum Me-
dicina, cum quibus has ἀγῶνες communes
facio : hoc potissimum nomine, ut dum ipsi
aliquem ex his fructum perceperint, gratiam
meritam habeant ijs, qui de Repub. literaria
benè mereri cupiunt.*

*Sed dices quid Medica ad Theologum? ad
hoc ego, non nouum esse, nec prater rem me fa-
cere, quod aliena à tua professione tibi offero:
quandoquidem interdum Theologi, Medicis,
aut Iureconsultis, sacra legenda dedicant: nec
unus idemq, cibus palato nostro semper sapit:
sed delectatur vario, in consueto, exotico.*

*Præterea aliam propositi mei habeo caus-
sam: nam cum filium tuum, adolescentem do-
ctrina ingenioq, præstantem M. ABRAHA-
MVM SCHOPFIUM arti Medica se totum
mancipasse, & tantos progressus in ea fecisse
intelligam, ut iam excellentissimos in Italia
Medicos cum fructu docentes audiat: non mi-
nus ipsum, qui nunc à patrijs abest finibus,
quàm te, munusculi huius participem fieri
volui. Tenue quidem illud est, & R. D. T.*

PRAEFATIO.


non perinde dignum: sed quia ab homine vestri amantissimo proficiscitur; spem mihi facio maximam, xenium meum utrique fore gratissimum.


Quod superest R. D. T. nec non coniugē, & liberos, Deo Opt. Max. commendo: eundemq; toto pectore oro, ut valetudinem constātem, vita tranquillitatem: Nestoris aetatem, aliaque huius vita praesidia clementer vobis impertiri velit. Vale Durlaci Calendis Augusti.
Anno redempt. orbis clō lō xlv,


R. D. T.

observantiss.

PHILIPPVS SCHOPPIVS
Medicus Durlacensis.








I
HIERONYMI CA.
PIVACCII MEDICI

CLARISS. ET ACADEMIÆ

Patauina Profess. ordinarij

de lue Venerea

acroasfis.



VM propositum nobis sit, de lue Venerea verba facere: qui morbus tristissimus est, & humano generi molestissimus: nō admodum prolixam, attamen fœcundam, de hac ægritudine contagiosa, trademus doctrinam: in gratiam studiosorum Medicinæ, quorum desiderio impræsentiarum satisfacere pro viribus conabimur.

Quod igitur attinet ad huius vitij originem & nomen, non existimo necessarium esse, ut tempus teramus in rebus futilibus, quæ vel nullum habent vsum, vel admodum exiguum, sed multò consultius videtur, ut luis Venereæ natura solidè cognita, cōmoda salutarisque medendi ratio instituatur, cuius merito illa dometur propellaturque.

Vocamus nos hoc mali genus luem Vene-

A

ream: quia ex Venere contrahitur. Per lue[m] Veneream non intelligimus effectus, sed potius id quod causæ efficientis rationem habet. Quare cum à lue Venerea excitetur febris: per lue[m] Veneream non intelligimus febrem, sed materiam à qua producit[ur] febris: quanquam non modo caus[us] febris esse potest lues Venerea, sed etiam aliorum morborum.

Generatio luis Venereæ hunc in modum se habet, ut in humano corpore nequaquam principaliter oriatur (nam hoc est impossibile) ut necessarium sit illam extrinsecus advenire: & cum forinsecus accedit, corpus hominis ingreditur, quod cōtingit sua vi & facultate, idque in suam substantiam permutat. Hæc lues incrementum suscipiens, ita aduersatur corpori humano, ut toto genere præter naturam efficiatur: atque hinc varias subinde noxas in humano corpore excitet. Ut ex hac luis Venereæ generatione talis elici possit definitio. Lues Venerea est excrementum toto genere præter naturam, quod multifariam lædere potest hominem genitum ex humana substantia à simili.

In hac definitione præter alias causas, etiam proponitur materia ex qua: quoniam sermo est de lue Venerea, de materia morbifica, quæ est substantia, non accidens. Substantia autem fit ex materia ex qua. Explicetur itaque definitio.

tio & estote attenti, quia breuiter intelligetis an alij rectè senserint, nec ne.

Supra dictum fuit esse excrementum, ad differentiam continentis: quia quod in corpore reperitur, potest esse continens, potest esse contentum. Sed præterea dictum fuit esse excrementum, quia non modò distinguitur à continente, sed etiam à contento alimentari: nam dicitur etiam contentum quod est excrementum: neque obstat propterea, ut quamuis lues Venerea (sicut suo loco intelligetis) tanquam ex materia ex qua, fiat quandoque ex continente hoc est ex carne, imò vel ex osse, quandoque ex alimento, hoc est ex sanguine: nihilominus & continens, & contentum alimentale, vtrumque degeneret in excrementum.

Deinde dictum fuit præter naturam, ad differentiam excrementi, quod est secundum naturam. Pater enim luem Veneream esse excrementum præter naturam morbificum (vtinam ita non esset) nam sicuti excrementum naturale est ad hominis salutem: sic prorsus inutile excrementum lues Venerea, & toto genere præter naturam, ad differentiam excrementi, quod quidem est præter naturam, sed non toto genere. Datur (exempli gratia) bilis excrementitia præter naturam morbifica: sed non est toto genere præter naturam. Virulentia Gallica seu lues Venerea toto ge-

nere præter naturam est: siquidem (vt suo loco intelligeris) lues Venerea ex necessitate est materia putrida, & præterea toto genere præter naturam.

Vnde cum hæc lues sit excrementum præter naturam à toto genere, duo declaranda se offerunt. Primum est, quodnam sit hoc excrementum. Secundum, quomodo præter naturam: nam his ignoratis, prorsus impossibile est huius mali curationem tradere: siquidem (vt suo loco oculis conspicietis) lues Venerea maiori ex parte Methodo curatur: aliqua etiam ex parte experientia.

Quantum attinet ad primum, hoc excrementum potest esse quodlibet quod in hominis corpore reperitur: & proinde sanguis, puita, vtraque bilis: potest esse Ichor: dum generatur Ichor, & in virulentiam hanc degenerat: potest esse serum, potest esse lac, semen, imò etiam sanies.

Quod verò attinet ad secundum: sciendum hoc excrementum esse præter naturam secundum formam, secundum putredinem (quæ est secunda qualitas) secundum caliditatem, secundum lentorem: vt quælibet lues Venerea, nulla excepta, his quatuor vitiis sit prædita. Vnde aduersatur in primis secundum formam, propterea quod hæc lues eam obtinet in sui generatione proportionem, vt suscipiat formam
quæ

DE LUE VENEREA.

quæ est aduersaria corpori humano : vt propterea opus sit ex necessitate Alexipharmacis, ac experientia comprobatum potissimum istis extirpari lue Veneream. Patet igitur peccatum esse secundum formam. Et aduertant iuniores hoc loco, non propterea statuendum esse morbum à proprietate occulta (sunt puerilia ista) non dantur morbi noui à proprietate occulta. Omnis morbus vel est intemperies, vel mala compositio, vel soluta vnitas. Ceterum potest generari materia quæ non est morbus, sed causa morbifica, à qua causa morbifica postea fiunt morbi, quemadmodum etiam rectè statuitur de veneno, quod peccat à tota forma: tamen non datur morbus à tota forma: datur causa seu venenum. Si (verbi gratia) habet vim corrodedi, causat solutam vnitatem, sicut etiam lues Venerea abradendo potest vlcera efficere. Præterea peccatum est in lue Venerea, quia putredinem ex necessitate contrahit. Nam nequaquam fieri posset vt contagiosum esset malum, nisi putredo adesset, vt passim in problematibus testatus est Aristoteles, nec in his tempus est conterendum. Sed præterea hoc loco animaduertendum quòd quàmuis hæc lues sit putrida: non tamen semper oboriuntur putridæ febres, imò rarissime: quoniam vapores prodeuntes à lue Venerea admodum rarò petunt cor, & si peterent, fieret

A ;

febris: sicuti quandoque fit Luna plena. Sed præterea hæc virulentia est calida: hoc ex eo perspicui potest, quoniam hac dominante luce, vigent in corpore exustiones. Et hoc loco animaduertatis quamlibet materiam posse esse Veneream aut Gallicam. Verum non credatis vniuersam materiam morbificam esse Veneream. ut si verbi gratia gummositates, hoc est, nodi duri, difficilis resolutionis fiant gummata, tumoris durioris, vel ex crassa pituita, vel ex melancholia: non omnis portio est virulenta, & sæpenumero contingit ut portio virulenta beneficio medicamentorum dissipetur: remaneat postea frigida, quæ non est virulenta, & tumor ille non sit Gallicus. Vnde illud etiam euenit, ut cum calida sit, si fuerit copiosa, patientes dolores ac feruores præsentiant. Præterea est necessarium ut habeat aliquid lentoris: nam secus non esset contagiosum hoc vitium. ut vitium fiat contagiosum, oportet ut valida fiat actio, valida impressio, & fiat in tempore, ut propterea opus sit mora, opus sit lentore.

Cum ergo Virulentia hæc ita sit constituta præter naturam, iure dictum fuit in definitione, quod multifariam potest lædere hominem. Et hoc loco duo sunt declaranda. Primo quæ, & quotuplex sit hæc læsio. Secundo, circa hominem quænam pars lædatur, secundum
totum

totum, an secundum partem. Quantum ad primum, facile potestis colligere summam esse facultatem huius bestię Venereę: propterea quod potest producere causas morificas, morbos, & symptomata. Declaro, & ut distincte procedamus, quantum attinet ad causas, dum hæc lues agit in corpus, producit materias morificas: primum calefaciendo, deinde putrefaciendo, & tandem mutando quod in corpore est in materiam virulentam. Siquidem hæc lues, cum sit summæ actiuitatis, ad similitudinem omnium maximè agit secundum formam: quia omnis actio tanquam à præcipuo agente procedit à forma: nihilominus forma agit mediantibus instrumentis: quare & forma agit propter caliditates: calefacit, reddit materias calidas. Si diu actio perseueret, materia non solum redditur calidior, sed etiam corrumpitur, & ita alteratur ut putrescat. Et præsertim hoc efficit hæc virulentia beneficio lentoris, diu agens, & tandem ita agit ut efficiat causas morificas à toto genere præter naturam. Quod verò ad morbos, producit hæc lues morbos in intemperie, ut intemperies quandoque sit communis, quandoque determinata. Intemperies est communis, quando vi huius luis promouentur febres: hæc enim virulentia si agat in spiritus, ut ed feruidiores reddat (quod contingere potest)

fiunt febres Ephemeræ. Si mittat hæc lues fulgines putridas, & accendantur cordis humores, fit putrida. Et si eueniat vt caliditas imperiatur solidis partibus, fit etiam Hectica: vt experientia fit comprobatum quâdoque homines febris fuisse correptos, & nunquam possibile fuerit, eas febres superare, nisi beneficio Alexipharmaci. Sed potest etiam esse intemperies determinata. Vt (verbi gratia) intemperies calida iecoris est affectus productus tanquam à causâ efficiente, à virulentia Gallica, à lue Venerea: quod potissimum contingere solet, vbi hæc lues satis est feruida, & viget in Iecore. Præterea possunt esse morbi in mala compositione, vt facile sit cognoscere, quandoque fieri obstructions, quandoque tumores, bubones, gummata, verrucas seu poros, pustulas, & reliquos huius classis humores: & proinde morbos in magnitudine aucta. Oportet nos esse diligētes in cognitione essentia huius morbi, quia, citra iactantiam dico, fui lucratus vltra xviii. milia coronatorum ex hoc morbo.

B 1160 Aduertendum autem quantum ad bubones attinet: sunt tumores ad partes adenosas spectātes ad inguina. & fiunt ex sanguine: nam bubo est tumor inflammatorius, qui fit à sanguine permixto ex lue Venerea. Quod autem ad gummata, sunt illi tumores duriores, fiunt à materia crassa, sed semper permixta cum lue Vene-

Veneræa. Cæterum hæc lues permixta non est, nisi alicuius mordacitatis ratione: vnde gummata fiunt sine vlcere: & si contingat gummata esse cum aliqua exesione, exulceratione; tunc cōiuncta est lues Veneræa admodum mordax: veluti quandoque contingere solet in gummatibus, in quibus fit etiam ossis corrosio. Quod verò ad Verrucas, fiunt admodum duri tumores, & proinde fiunt ex dura materia exigua. Illi tumores quos vocant pustulas, fiunt ex tenuiori materia, & satis etiam acri & mordaci: & sæpenumerò pustulæ exulcerationem habent permixtam.

Cæterum hæc lues non modò est autor morbi in magnitudine aucta, sed & in numero diminuto. quandoque occurrit dentium casus: quandoque etiam aliquid corporis perditur. Conspicietis quandoque nares deficere vi huius luis.

Sed præterea & morbi in soluta vnitate excitantur, hoc est vlcera, quamuis vlcus (vt alias dixi) non modò sit morbus in soluta vnitate, sed etiam in magnitudine imminuta. Si vlcus occupat penem, vocant cariem: si obsideat manus, pedes, appellant rhagades, similiter si vlcuscula illa circa ani partes conspiciantur: in reliquis partibus vocant vlcera.

Si respiciamus ad symptomata, innumera producantur ab hac pessima lue, potissimum

autem dolores, qui varias occupant corporis partes: tinnitus, ea solet esse admodum rebellis: gonorrhæa, quia videlicet hæc lues agit in vasa seminaria: depilatio seu glabrities, quando lues petit pilorum radices: quando permisceatur cum fuligine, beneficio cuius fouentur ac generantur pili. Patet igitur ex his quomodo hæc lues multipliciter potest lædere corpus humanum. Secundum quod explicandum erat, cum has noxas lues Venerea pariat in corpore: quæ hominis pars lædatur, totum, an pars. Certissimum est quandoque totum, quandoque partem lædi: nec immerito, quia lues hæc est summæ actiuitatis, & aduersaria nature humanæ, non secundum vnā tantum partem, sed secundum omnes: [& ideo apparet quando aliqui dicunt esse aduersariam facultati naturali tantum, nugas esse.] Vnde vt hoc negotium rectè intelligatis, quantum attinet ad totum hominem, dubio procul totus læditur, vt in febre: quia hæc est morbus totius. Quò ad partes, omnis corporis partes affici possunt, sed potissimum Iecur: quia (vt intelligetis suo loco) sæpenumerò hoc malum oritur ob Veneris vsum. Vnde ratione motus, ratione caloris, partes illæ secundum poros recluduntur, vt virulentia promptum habeat iter ad iecur. Sed hoc non est perpetuum, vt si contingat hanc luem aliam petere corporis partem, hæc etiam

etiam offendat: nam agēs agit in passum, quod est proximum: neque enim reperitur aliqua corporis pars, quæ non possit affici: cuius signum, cum febris fiat à lue Venerea, pati cor. Præterea cum dolores capitis oboriantur, & quandoque à lue Venerea facultas animalis langueat, & non principalis, & principalis dubio procul & cerebrum patitur. Sed animadvertatis dum loquimur de parte corporis humani, dum loquimur de subiecto huius luis, hunc sermonem esse duplicem: alio modo debetis intelligere de subiecto affectus virulentiae. Subiectum affectus potest esse totum, potest esse quælibet corporis pars. Verbi gratia per affectum intelligo febrem, quæ est vitium totius, & proinde etiam cordis. Alio modo intelligo partem esse subiectum non affectus, sed virulentiae, quando lues secundum propriam substantiam in aliqua corporis parte reperitur, ita ut illa pars sit fomes ac principale domicilium illius luis, & potest esse multiplex pars: ventriculus, iecur, lien: potest esse caput: possunt esse putridæ reliquæ corporis partes, nequaquam cor: nunquam cor potest esse præcipua sedes. Ea enim est vis caloris cordis, ea densitas, id robur cordis, ut non sit possibile, ut lues ista occupet cor, ut cor sit præcipua sedes. Tandem in definitione dictum fuit genitum ex humana substantia à simili. Pro

explicatione huius particulæ duo sunt declaranda: alterum pertinet ad materiam ex qua: reliquum ad agens seu efficiens. Quantum ad materiam ex qua, dictum fuit esse humanam substantiam. Per hominis substantiam tria cum Hippocrate oportet intelligere: cõtenta, continentia, impetum facientia: à præsenti negotio excluduntur impetum facientia: nam spiritus à lue Venerea patiuntur: possunt pati, verum passio hæc est alteratio: nequaquam potest esse putrefactio: non possunt mutari spiritus à lue Venerea, quia non possunt putrefacere: & hoc supponendum, quia est negotium discutiendum in doctrina de febribus. Quare per hominis substantiam intelligere oportet contenta & continentia. quantum ad contenta, sunt succi qui in corpore humano reperiuntur: quare possunt esse & succi alimentales, & excrementitij. quare quilibet humor. Et si humor mutetur in ichorem, etiam ex ichore potest fieri lues: similiter ex sero, ex lacte, & etiam ex semine, vt demum quilibet succus possit esse materia generationis luis Venereæ.

Quod autem ad continentia; possunt esse corporis partes, & sanguinæ & seminales seu spermaticæ. vnde quo ad sanguinem; possunt esse partes carnosæ, pingues, adiposæ: vnde caro mutatur in luem veneream: pinguedo similiter. Idem est statuendum de spermaticis; vt
quan-

quandoque hæc virulentia fiat ex ossibus (vtinam non esset verum) vt portio ossis mutetur in hanc virulentiam. quod spectat ad agens, dictum fuit generari à simili, & per hoc simile nihil aliud intelligere oportet quàm luem Venerream. Necessarium igitur est vt adsit hæc lues, hoc agens, si noua lues generari debet. Hoc autem agens, hoc quod simile nuncupamus, vt colligere licet ex Galeno in arte Med. cap. 99. agit in partem vicinam: & ita agit; ita in alteratione progreditur, vt quod contingit, quod sibi est proximum, mutet in suam naturam & proinde in luem Venerream. Et hoc loco notādū, luem hanc, quæ habet rationē; efficientis, quæ est primò genita, extrinsecus accidere. non est possibile, vt in homine hæc virulentia generetur absque aliquo externo, agētis rationem habēte, quod noxam illi conferat atque communicet. Vt sic videatis discrimen inter luem venerream & venenum quod in corpore humano potest generari spōte, quamuis aliud venenum non occurrat. quomodo hoc fiat, declaratum est in doctrina de venenis. At generari hanc luem in homine impossibile est, nisi alia lues forinsecus accedat.

Neque est vt quis ita furiosè perscrutetur (quia esset vitium immodica diligentia) quisnam primus autor fuerit illius primæ luis: quia dubio procul noua est hæc materia; hæc

caussa, quomodocunque fuerit genita. perinde esset, ac si quis quæreretur quodnam prius genitum esset ouum an gallina: hoc non facit ad curationem.

Satis est nos scire esse genitam hanc luem à simili: & esse materiam à tota forma; aduersariam, putridam, calidam, viscidam. Cum igitur extrinsecus accedat, aduertere oportet huiusmodi virulentiam ut plurimum, accidere propter congressum, propter coitum, attamen non semper: nam nonnullis, ut pueris, infantibus aut nondum natis, virulentia Gallica communicatur, dum vel sunt in utero, vel extra uterum. Si in utero, bifariam hoc potest contingere: altero modo ex semine parentum; quando oriuntur infelices isti ex parentibus infectis lue Venerea: & praesertim hoc contingit, quando parentes sunt affecti Gonorrhæa gallica, semine illud ita infectum degenerat in calidum innotum pessimum; ut propterea sit lues etiam Venerea in summo malignitatis gradu. alio modo fetus suscipit virulentiam non ex semine, sed ex alimento: quando contingit ut mater sit infecta lue, vel etiam inficiatur post conceptum; ut mater subministret sanguinem infectum lue Venerea fœtui. Si vero homo suscipiat virulentiam extra uterum; vel est ex concubitu, vel citra. Et ut diximus est per concubitum saepenumero, & praebetur euidens occasio

fit ingressui huius luis; quia pori aperiuntur, partes incalescunt, & facile virulentia illa vertitur in vaporem: quia vapor petit & ingreditur corporis partes. Caterum & hæc contingere potest citra concubitus: ut per suctionem lactis: ut puer si capiat lac à nutrice infecta, inficiatur & ipse. Sed contingere etiam potest per simplicem contactum: ut verbi gratia si puer sit infectus, & sugat lac, ex eo contactu potest nutricem inficere (utinam non esset verum.) Idem potest contingere per osculum: si quis dormiat cum aliquo qui sit detentus scabie Gallica, sic femina feminam potest inficere.

Nam scabies Gallica dum inhæret alicui individuo, potest alterum ratione contactus inficere: ut propterea impertiatur etiam hæc lues per lintheamina infecta: siue sudore illo Venereo siue etiam sanie: ut si aliquis dormiat in lintheaminibus, in quibus dormiuit quispiam scabie Gallica infectus, non sit impossibile ut hic inficiatur. Ut his mente conceptis, facile sit colligere in lue Venerea hoc excrementum peccare vel secundum formam, vel ratione putredinis, vel ratione caliditatis, & lentoris: & ut ex necessitate ita peccet; differentia est solum secundum magis & minus. quælibet lues est aduersaria secundum formam, alia magis, alia minus: ut sic hæ differentia à nobis men-

te sint continendę, gratia curationis, quando-
 que maius esse vitium secundum caliditatem,
 quàm secundum formam; quandoque oppo-
 sito modo, præterea quandoque esse minus
 vitium secundum putredinem quàm secun-
 dum caliditatem; quandoque esse intensius vi-
 tium secundum lentorem, visciditatem; quam
 secundum alias qualitates. Et deinde vt hoc
 excrementum possit producer e vel causas,
 vel morbos, vel symptomata. Notate quan-
 tum attinet ad causas, differentiam esse, prout
 hæc virulentia producit causas vel alterando
 solum, vel etiam corrumpendo. Quo ad mor-
 bos; vel est intemperies, vel mala compositio,
 vel soluta vnitas. quo ad symptomata; est vel a-
 ctio læsa, vel exiens mutatum, vel qualitas mu-
 tata. Ratione subiecti afficitur vel totum; vt in
 febribus: vel pars; vt in reliquis vitiis. Et vt ho-
 mo est subiectum virulentie, potest esse quæli-
 bet pars, sed potissimum hepar. Quo ad mate-
 riam ex qua, vel est contentum, vel continens.
 Quoad causam efficiẽtem; consideremus vel
 penes substantiam & essentiam, vel penes ori-
 ginem. Quantum ad essentiam; est differentia
 secundum magis & minus: alia efficacior alia.
 Ab origine; extrinsecus accedit; & est vel in v-
 tero, vel extra vterum. Est præterea necessari-
 um vt cognoscatis hanc luem in genere & se-
 cundum eius differentias. Quantum ad luem
 in ge-

in genere, aduertendum hanc luem: vel agere
& operari in corpus: vel quandoque ob exigua-
am copiam non agere; vt quamuis lues in cor-
pore reperiatur; nulla tamen eius sit actio &
est necessarium vt cognoscatis luem siue agat,
siue non agat. Nam quamuis non agat; potest
tamen ledere: vt Medicus prudens præcogno-
scens hanc luem antequam agat possit euelle-
re; & homines tueri à noxis imminetibus. Pri-
mum igitur quando lues venerea agit in cor-
pus quibus notis depræhendatur. Si agat hæc
lues, indicatur ex affectibus, affectus sunt sym-
ptomata & morbi, quantum attinet ad sym-
ptomata, cognoscetis luem veneream in cor-
pore hære ex dolore, & in primis pruriginoso;
ex sensu pruriginis, propter luis acrimoni-
am: & præterea etiam ex dolore vlceroso, dis-
crimē esse inter dolorem pruriginosum, & vl-
cerosum: quia pruriginosus spectat magis ad
partes extimas: vlcerosus ad intimas. Præterea
indicatur ex dolore, qui incipit cruciari potis-
simum circa vespas: nam illa est hora in qua
incipit moueri materia Melancholica, quæ du-
bio procul sæpenuerò adest in lue venerea:
cū sit materia non modò putrida, sed etiā
calida & exusta: Auicenna 2. quarti tractat. 1.
Cap. 4. scribit ægritudines & accidentia for-
tiora fieri de nocte, quàm de die: quia natura
occupatur in digerenda materia 2. quia mate-

ria dolorum minus noctu propter frigiditatem noctis & pororum clauſiones reſpirat: ad quod Luna quæ domina eſt humiditatū plurimum cooperatur, deinde per noctem intenditur quia exuſtus humor non ita facile difflatur, vt producat̃ur dolor, ſæpenumero etiam accidere ſolet, vt magis crucientur partes quæ ſunt intermediae, quoniam hæc lues venerea promptius agit in partes carnoſas; in muſculos quam in tendines in ligamenta, in partes ſpectantes ad articulos.

Præterea indicatur hæc lues ex Gonorrhæa; verum non ex qualibet, ſed ex determinata, priuata: cum gonorrhæa poſſit etiam oboriri citra luem veneream. Indicatur ergo ex Gonorrhæa ſatis ſatente: & ratio eſt quia lues hæc eſt putrida; vt propterea color vergat ad viriditatem, quandoque ad nigredinem, ſiquidem lues hæc eſt materia exuſta. Sed præterea hæc Gonorrhæa non eſt cum tolerantia ægrotantis, quando fit Gonorrhæa ex copioſo ſemine, ſit cum tolerantia: in lue venerea non eſt cum tolerantia; atque ideo ſemen ſeu materia illa ſeminalis, quæ deberet eſſe alimentum partium ſpermaticarum, ob prauitatem egreditur euacuaturque. Præterea cognoſcetis, ſi Gonorrhæa excitata eſt citra immoderatum coitum: nam quādoque fit ob immoderatum coitum, attamen citra ſuſpicionem luis venereæ, vbi
non

non præcessit coitus immoderatus, & subsequitur Gonorrhæa, indicium est luis venereæ. Indicatur præterea ex casu pilorum siue congeneratorum, siue postgenitorum, siue omnium. Etenim lues hæc sua malignitate & accrimonia pilorum radices abradit & dum permiscetur cum fuliginibus, ex quibus generantur pili; ita facit fuligines, ut nequaquam possint esse idoneum alimentum pilorum. Indicabitur præterea ex febre, quæ solet circa vespèras exacerbari: & iam patet causa. Indicatur ex humoribus, ex bubonibus, & cæteris: ex casu dentium; præsertim si nihil antea fuit prægressum quod venenum sit; quod possit abradere gingivas. Indicatur ex carie, ex scissuris in manibus & pedibus circa anum. Ut verbi gratia si prægressus sit coitus, siue alia causa de qua supra diximus. Indicatur etiam ex inuantibus; quando vitium (siue febris sit, siue aliud quiddam) non potuit curari nisi Alexipharmacis. Hûc igitur in modum cognoscetis luem dum agit. Sed si contingat ut lues lateat in corpore, & proinde nō agat ob exiguam copiam (quod non est impossibile si quidem experientia testatur per annos aliquot delituisse) quid tum est faciendum? Medicus prudens antequam curam aggreditur, consideret an post coitum illicò sit secuta caries si statim oborta est, coniicienda non hetera in corpore luem: quia non

penetrauit, lues ex coitu contracta adhæsit penemque exulcerauit, non penetrauit: & idcirco non est cruciandus æger ligni Guaiacini decocto. quod si caries non statim apparuerit, facile colligi poterit latitare in corpore luem Gallicam: & ex coitu vapores penetrasse in lecur; in partes intimas: deinde post aliquot dies transmissam esse materiam luis venereę ad penem, & vlcuscula excitata. Deinde cognoscetis virulentiam luis delitescere in corpore, ex eo quod caries illa difficulter sanatur, & post vlceris curationem remanet aliquis tumor & durities. Cognoscetis etiam hinc; si fuerit Gonorrhæa citra immoderatum coitum: tunc indicium est vasa facta esse imbecillia, non ob coitum nimium; sed potius ob malignitatem illius materię, cognoscetis post medicationem relictam esse luem, si affectus, hoc est morbi & symptomata non prorsus abolentur, præterea ex eo, si quis coitu vtatur eum summa prudentia; vlcera tamen in pene accipiat, tunc est signum relictę luis, cognoscetis etiam ex eo si cura non fuerit diligens, sed leuis, quindecim forte dierum.

N O T A.

Quibusdam, simulac venere sunt vfi, eo ipso die caries erumpit: nonnulli post coitum
non

*non corripuntur carie; nisi post triginta aut
quaraginta dies: hac diligenter animo ver-
sare Medicus debet: quia magnum habent
momentum ad instituendarum curationem
luis venerea.*

Aggressurus luis venereæ curationem; non
solum in genere illam cognoscere debet; Sed
etiam secundum quatuor supra memoratas
differentias. Si formales differentias specte-
mus, lues venerea se habet vt excrementum
lædens, vt excrementum, differentias obti-
net secundum magis & minus. Confideatur
ergo secundum formam, quantitatem, pu-
tredinem, caliditatem, lentorem. Secun-
dum formam: an sit summæ actiuitatis, nec
ne, vehementis actiuitatis erit, si pātiens vni-
co congressu fuerit infectionem nactus: idem
si hoc acciderit citra coitum: præterea si ci-
tò fuerit læsus. Obseruari quosdam qui cum
lue hac inficerentur; post mensem statim sæ-
uissimis symptomatibus torquebantur: hoc
erat argumentum summæ actiuitatis. Si non
aderit tolerantia: certiores eritis luem Vene-
ream esse satis insignis actiuitatis. Si opposito
modo se res habuerit, iudicabilis exiguæ esse
actiuitatis. Quo ad vitium in quantitate; co-
gnosceris luem vehemētem, si totum corpus,
si plures eius partes occupauerit: si pauciores,

contrà. Quo ad vitium in putredine; cognosce-
t esse in ignem ex Gonorrhæa admodum fa-
tente, ex vlceribus fatentibus: ex febris putrida
quodd caliditatis vitium; cognoscetis calidita-
tem esse ad modum vehementem ex dolori-
bus acerbis, ex ardore in Gonorrhæa, ex pru-
ritu, ex feruore in locis affectis: siue sint vlcera
siue alia vitia. Si hæc fuerint remissiora; remis-
sior erit & lues. Quod ad vitium in lentore; len-
tor erit vehemens ex symptomatum perseue-
rantia; vt quamuis symptomata sint exigua; ni-
hilominus non cedant ratione lentoris. An
hæc lues lædat, & multifariam lædat: an sint
morbi, an symptomata: & qui sint morbi, quæ
symptomata, cognoscitur ex propriis signis.
Vt (verbi gratia) Si sit febris; ex signis febris. Si
bubon; ex signis bubonis, quare oportet vt po-
stea cognoscatis differentias, quæ capiuntur à
subiecto. Subiectum in lue venerea est duplex;
namque est subiectum affectum, vel est subie-
ctum ipsius luis. quoad affectum subiectum;
vel est totum corpus, vel pars corporis. To-
tum esse affectum subiectum cognoscetis ex
febre; quia est morbus totius: ex macie toti-
us. Partem autem cognoscetis ex vitiis deter-
minatis (verbi gratia) si Gonorrhæa adsit, cog-
noscetis locum affectum. Quod ad virulentiam
vt subiectum habet; pro subiecto habet partem
vel internam, vel externam. Si partem habet
exter-

externam, oculis conspicietur. Si autem subiectum sit pars interna, aduertatis posse esse ventriculum. Iecur, lienem, cerebrum: & in fœminis vterum. Cor excipitur vt suo loco dictum fuit. Indicabitur ergo esse ventriculum; vt ventriculo sit primò occurrendum: quia hæ sunt partes in quibus est fomes luis: si fortasse excitata est ex osculo cum muliere infecta; & maxime si illicò quis biberit aut comederit, præterea cognoscetis hinc potissimū; quod ex chylo vitia huius luis emanarunt: tunc querelæ erūt de læsa chylicatione circa ventriculum: cognoscetis sedem affectam esse iecur, si malum originem duxerit ex coitu: si secundum dextrū inguem bubo appareat: & præterea reliqua etiam symptomata magis pertineant ad dextram partem: & potissimum intelligetis ex læsa sanguificatione; quæ sanè læditur non læsa facultate Iecoris: sed accidit ob errorem externum, hoc est ob præsentiam luis: quamuis quandoque possit etiam coniungi morbus iecinoris; sed hoc est extra rem. Quò ad linem; cognoscetis ex lienis tumore, ex bubone in sinistra parte; & reliquis quæ magis exercent partem sinistram. Indicabitur etiam ex mali contumacia lues venerea si prodit vitio lienis; propterea quod sit difficilioris curationis: nam vbi lien malè habet; non potest expurgari excrementum melancholicum: & cum infici-

tur lue venerea, agerrimè extirpari potest. Cognoscetis cerebrum esse luis domicilium, ex pannis infectis applicitis capiti. Sed præterea cognoscetis ex dolore, & reliquis noxis quæ abident caput; & hinc ex doloribus articularibus; dum potissimum hi dolores prodeunt à capite lue Venerea affecto. Cognoscetis vtrum sedè esse huius luis ex suppressis mensibus, vel etiam nimium fluentibus post coitum; ex gnorrhœa, ex vteri doloribus, ex molestia circa mammas (quia consentiunt cum vtero) ex carie circa pudenda. Et tandem cognoscetis causam ex quibus sit materia ex qua; quæ est vel contentum, vel continens. Si est contentum, & fuerit alimentale, aderit difficilis tolerantia; si excrementia, non ita difficilis.

Luis venereæ differentiæ desumpta à forma, & à subiecto, quibus signis deprehendantur intellexistis: oportet igitur nos afferre signa differentiæ tum a materia ex qua, tum a causa efficiente. Quod ad materiam ex qua, potest esse contentum vel continens, quod ad contentum; si sit alimentale, cognoscetis ex difficili tolerantia; quia corpus non nutritur, & alimentum inficitur: contrà autem si fuerit excrementitium. Quæ autem sint excrementa hoc est vel biliosa, vel pituitosa, vel melancholica; cognoscitur ex propriis signis; de quibus non est vt agam (verbi gratia.) Si lues venerea sit
genita

genita ex materia melancholica; signa aderunt dominantis Melancholia; & malum erit contumacissimum. Quò ad continentia; an sit pars carnosà, an pinguis, an seminalis (vt ossa) facile cognoscetis. Quò ad causam efficientem; cognoscere oportet, an originẽ duxerit lues vel in, vel extra vterum: & hoc facile colligetur ex relatione assidentium, & patientis. Nam si (verbi gratia) infans in lucem editus corripitur hac lue; neque aliquid extrinsecus contigerit; facile depræhenderis in vtero contractam esse hanc luem. Et si in vtero contracta; an ex semine: an potius post conceptionem ex alimẽto matris, haud difficulter assequemini.

Nam si (verbi gratia) parentes fuerint infecti lue venerea; ex semine utriusque malum est contractum. Et similiter si extra vterum; facile cognoscetis an per coitum, an causa lactis, an causa nutricis, an per pannos, factum sit: interrogate ægros. Quando cognitum est malum; oportet ad præsidia descendere, & advertere, tametsi lues Venerea aliqua ex parte adimatur citra methodum, citra indicationes; maiori tamen ex parte hanc luem amoveri per indicationes & methodum: ac sæpè ob aliquod vitium non licet eodẽ modo lignum Guaiacum administrare. Vnde in maximo versantur errore, & pœnas quoque luunt meritò, qui hac lue infecti, accedunt ad Chirurgos ad barbitonfores

oportet igitur nos aliquid de præliis loqui; quæ cum desumantur a rei essentia; à lue venerea quæ est excrementum præter naturam multifariam lædens hominem: idcirco præsidia haurienda sunt ab excremento, à læsione, ab homine; ab his tribus tantum: ut superfluum sit ab aliis sumere præsidia: & proinde neque à causa efficiente, nam causa efficiens si est externa, non indicat, nec licet haurire indicationes à materia ex qua. nam hæc vel est mutata in luem: & tunc sat est haurire indicationes à lue genita: ab excremento hoc venereo: vel nondum est conuersa in luem. huic occurrimus dum toti prouidemus (Verbi gratia) si fiat ab aliquo humore, est euacuandus. Quantum ad excrementum (estote in hoc diligentes; ut non Empiricè sed Dogmaticè sciatris administrare Guaiacum & alia) cum secundum formam, putredinē, caliditatem, & lentorem, peccet, & toto genere sit præter naturam: iuxta præceptum Gal. 13. Methodi 6. indicat remedium prorsus euacuans, quod eradicans poteris appellare. Ut autem naturæ humanæ est inimica & aduersaria indicat Alexipharmacum.

Ratione putredinis; aduertere oportet, an hoc excrementum sit putrefactum, vel potius putrescat. Si putrefactum; quoniam ratione putredinis toto genere est præter naturam; indicat

dicat eradicans. vt autem putrescit, indicat refrigerans, siccans: nam calor extraneus, & humiditas, sunt in causa quod materia putrescunt. Deinde cum hoc excrementum Venerum ex necessitate sit calidum, indicat frigidum: cum sit lentum; indicat detergens. Sed quandoque euenire potest vt hoc excrementum sit crassum; quare indicat attenuans: si durum; emolliens: vt contingere potest in lue Melancholica.

Quantum verò ad læsiones; variæ hauriri debent indicationes pro varia læsione, de quibus in propriis capitibus. Vt verbi gratia si læsis fuerit à febre; oriuntur indicationes febri-les: Si intemperies calida iecinis; dyscrasie calidæ iecoris indicationes se offerent: & sic de reliquis. Has indicationes non prorsus dimitemus, vbi descenderimus ad curationem affectuum hoc est vlcera & reliquorum.

Quantum ad hominem; indicationes sunt sumende, vt homo secundum varias partes est sedes luis veneræ. audiuiſtis autem quandoque esse ventriculum, quandoque Iecur, quandoque Lienem, quandoque cerebrū, quandoque vterum. Signa habuistis; & in administratione Guaiaci cognoscetis quanta sit necessitas huius doctrinæ. Horum igitur viscerum calidum innatum indicat calidum & alimentum. Calidum ratione temperaturæ: alimentum ra

tionem substantiæ. Horum autem viscerum proportio requirit simile; ut hepar hepaticum: & sic reliqua. Totum autem corpus humanum ratione virtutis indicat alimentum. Cæterum cum non liceat occurrere vel virulentia, vel læsioni, vel homini: siue secundum totum siue secundum partem; nisi de toto prouidentia habeatur: ideo toti occurrendum: siquidem ad corpora sunt impura, neque Alexipharmacis, neque topicis, neque alimētis occurritur.

Quid autem sibi velit totius prouidentia, patet ex alibi propositis; ut varia prouidentia sit opus pro discrimine status totius.

Cæterum ut patientes vos admirentur, antequam ad materias præsidiorum descenditis, prædicetis quid euenire debeat. Hæc doctrina pendet à viscerum præter naturam, atque etiam virtutis, quantum ad res præter naturam, oportet vos scire, & digredi, circa vehementiam luis & symptomatum; luis inquam genitæ, non generantis. Nam lues generans est signum vehementiæ luis genitæ. Ut verbi gratia si quis læsus est à vehementer infecta muliere; hæc affectio vehemens in femina est signum vehementiæ luis genitæ in homine: quare est satis digredi circa vehementiam luis genitæ. Primum igitur quantum ad vehementiam ratione dignitatis; non est eadem vehementia à quolibet vitio venereo: est magna
diffe-

differentia. Nam hæc vehementia spectatur ut lues occupat corporis partes magis vel minus nobiles. Vnde minor est vehementia si obsideat lienem: intensior si ventriculum: adhuc intensior si Iecur: adhuc magis si cerebrum: & in fæminis si uterum, intensior est quàm si lienem corripiat. Ratio est manifesta, ex doctrina Anatomica partium ratione, quæ magis vel minus sunt nobiles. Si perpendamus vehementiam luis ratione essentiæ, tunc maior est vehementia penes essentialiam, sic ut luis forma est maioris actiuitatis, quo modo cognoscatur diximus. Præterea est intensior vehementia, quòd lues magis fuerit putrida, magis calida, magis lenta, magis grassa magis dura; qualis potissimum est lues Melancholica: & tandem qualis est alimentalis; & ratio est: quia in hac virulentia est maior recessus à naturali statu. Violentia ratione facultatis corpus regentis locum habet in lue venerea. Si usque adeò sit infensa lues, ut oboriantur conuulsiones, lipothymia, pulsum infirmitas, syncope, & proinde difficilis tolerantia, quæ vehementia potissimum locum habet, si virulentia sit alimentalis, & partes sint exquisiti sensus. Si hæc lues opposito modo se habuerit; tunc hæc vehementia erit remissior; ut melius pro ægrotante sit prognosticandum.

Quantum verò ad morbos; in his etiam

perpendere oportet triplicem vehementiam;
& proinde in febribus, in intemperie calida
Iecoris, in obstructionibus, in tumoribus, in
bubonibus, in gūmatibus, verrucis, pustulis,
in casu dentium, in vlceribus (siue sit caries,
siue rhagades) discurratis per triplicem illam
vehementiam. verbi gratia: in lue venerea vl-
cus pulmonis est lethale: nam adest summa ve-
hementia ratione dignitatis. Est & perpenden-
da symptomatum vehementia: sed non est no-
stri propositi vt circa has vehementias in præ-
sentia discurremus. Quantum ad virtutem,
erit eius vehementia; si corpus fuerit boni
temperamenti, boni habitus, in florenti æta-
te, & fortiter possit sustinere præsidiorum ma-
terias. Contra autem si homo se habuerit, &
virtus fuerit debilis, vt non benè sit sperandum.
& propterea supponendo luem curationem
admittere; ratione totius probatur quando-
que venæ sectio; propter sanguinem, qui in
lue venerea quandoque habet rationem caus-
sæ principalis; quandoque sine qua non. Caus-
sæ principalis, dum lues generatur ex sangui-
ne: dum præterea corpus lue affectum, est etiā
correptum inflammatione; morbo sangui-
neo. Habet rationem sanguis causæ sine qua
non, si lues & reliqua mala fiant nō ex sangui-
ne; sed ex alia materia. Et patet ex alibi dictis,
in venæ sectione eam esse sanguinis copiam

va-

vacuandam, quæ peccat; & confertim, si vires permittant: quia cum expediat quàm citissimè extirpare hanc luem, & sanguis sit impediendo; ob id confertim euacuandus, dummodo non sit prohibens. Quod prohibet in præsentia non est virtus; sed aliquid magis priuatum, peculiare; ut cum lues petit inguina, unde excitantur bubones. Testatur experientia quandoque per bubonas suppuratos & apertos, ex toto extirpatam esse luem; ut non opus fuerit alia medicatione. atque ideo hic motus luis ad inguina prohibet venæ sectionem: ut propterea Medicus prudens esse debeat; & si obseruat inguina intumescere, nullam euacuationem moliatur, ac aduertat an deueniat inflammatio & tumor ad maturationem nec ne. Si perducitur beneficio vel nature vel medicamentorum ad maturationē (de quibus suo loco) tunc oportet permittere ut locus aperiatur: & ubi locus erit apertus, & egreditur sanies, summa cum prudentia Medicus debet aduertere, an hæc euacuatio per inguina sit futura sufficiens nec ne. Sufficientem cognoscet, si malū sit recens, si non sint coniuncta alia symptomata; si copiosa effluat materia.

Contra verò; si opposita reperiantur. Si iudicabit non satis esse Euacuationem per inguina; vos eodem tempore debetis venam secare; quia lues tunc non prohibet, nec pericu-

lum est vt tollatur ille impetus. Et propterea aduertatis varias venas esse secandas, prout sc. varia est substantia. Et ideo notandū vt sciatis curare agros. Si fuerit caput, oportet secare cephalicam modò dextram modò sinistram; prout affectio postulare videbitur. Si ventriculus, si Iecur, basilicam dextri lateris: si Lien Basilicam sinistri lateris, si vterus potissimum expedit saphenam pertundere. Sed quò ad bubonas, si fortè adessent, quæ venæ aperiendæ? In bubone vel est aliqua spes suppurationis; & tunc infimas oportet secare venas. Si verò prorsus sit abolita spes suppurationis, respiciatis ad substantiam circa Iecur, & Basilicam secetis. Hæc de venæ sectione.

Quò ad fonticulos causa prouidentia rotius; si contingat vt lues sit contumax, non cedat medicamentis; non improbatur vsus Fonticulorum, vt perpetuò hæc lues euacuetur. Et quò ad locum, si fomes fuerit caput, excidentur vlcera in brachiis. Si Iecur in cruribus: si ventriculus, si Lien, si vterus, idem fiat.

Quo ad medicamenta, loquemur de medicamentis primò ratione totius: secundò ratione Virulentia luis: tertio ratione affectuum, hoc est morborum & symptomatum. Quò ad medicamenta ratione totius, sunt lenientia, præparantia, purgantia. Roborantia hic locum non habent. Lenientia debent esse varia, prout

prout superfluitas varia offertur. Et propterea sciendum si lues esset calidior, biliosa, Hieradanda haud foret, secus si pituitosa: quia ratione cuius persuaderi potest ventriculum primoque ductus tunc repletos esse pituitosa materia, ut speciebus Hieræ uti liceat. Reliqua tanquam nota omnino, & propterea sermo habebitur de præparantibus, quæ & ipsa variant pro discrimine materiæ præparandæ. Sed hoc loco monendi estis, ut subinde respiciatis ad luum, & illius vitium: ad formam, putredinem, caliditatem, lentorem: quandoque etiam ad duritiem. Siquidem præstat, eodem tempore præparare materias, ut sint idoneæ ad exitum, siue sint virulentæ, siue non. Quare consulo, ut dum administratis syrupos, ratione formæ ipsius luis, permisceatis vel acetosam, vel acidum citri, vel quinque folium, vel capillum Veneris, vel sonchum: & præsertim si materia calida præparanda erit. Si frigida extiterit, respicientes ad peccatum secundum formam luis, permisceatis Melissam, corticem Citri, semen Citri: modò vnum, modò aliud: ne omnes eodem modo curetis sicut faciunt Empirici. Dum respicimus ad vitium putredinis, licet permiscere acetosam, acidum Citri, acetum Adiantum, potissimum si materia præparanda fuerit calida: ut si deficiat ab insigni caliditate, liceat occurrere siccis, etiam si frigida non sint:

C

*Lentore.**Præparati.*

ut est agrimonia, cetera, si respiciamus ad peccatum, ut virulentia ex necessitate est calida, permiscere oportet Cichoracea, & si calidior sit, licet permiscere violas: & si adhuc intensior sit caliditas, operæ præteritum est ad lactucam nymphæam transire, cum respiciendum est ad vitium secundum lentorem, licet permiscere hordeum, oxymel simplex: & si viscidior extiterit materia licet ascendere ad oxymel compositum, ad hislopum, ad prassium: & hæc cum vim habeant: attenuandi occurrerent etiam crassitie materia. Quod si contingat ut materia duritiem obtineat, debetis permiscere quæ conficiuntur ex pomis, boragine, buglossa, liquiritia, althæa, malua. Si igitur ad hæc respexeritis, scietis varia præscribere, & variis modis egros tractare. Verbi gratia, si materia calidior erit præparanda, & adnexa sit durities luis, poteritis hoc modò præscribere syrupum.

℞. Syrupi de succo acetosæ, acetosi s. de liquiritia ana ʒ ii. Aquæ hordeacæ alteratæ cum acetosa. Endiuiæ boragine, althæa ʒ 4. s. vel 6. si perpendatis hoc præscriptum, respicit quæ aduersantur materiæ præparandæ calidæ, & luis, ut peccat variis modis. Vnde aduertendum cur in hoc præscripto proposuimus tantum ʒ ii. syrupi, & ʒ iii. imò 6. decocti: non alia de causâ factum est quàm quod materiam calidam præparare volumus: & quod

quod à dulcibus abstinendum vbi coniuncta est lues calida. Quantum ad purgantia, varia familiariter esse debent pro diuersitate succi purgandi. Vnde notand. primum cum in lue venerea ob caliditatem, ob exustionem potissimū vigeant succi atri, probari medicamēta ex polypodio, Epithymo, helleboro nigro: practici exhibent pilulas cochias cum helleboro.

Secundò notandum; diligenti & exacta purgatione opus esse in hac lue: quia succi in corpore existentes sui præsētia prohibent vacationem luis vt non abs re illi Practici sint laudandi, qui etiam syrupus compositis vtuntur, & repetita etiam purgatione: imò etiam illi qui singulis decem diebus dum patiens vritur decocto, purgantia exhibent. Nam cum lues hac per omnes regiones educatur, & potissimum per poros cutis; & expellatur sæpè in vaporem mutata; dubio procul succi in corpore existentes prohibent eiusmodi euacuationes. Si quis desideret medicamenti rescriptum seu formulam seu syrupi compositi; excipiat.

℞. Syrupi de sumaria compos, de Polypodio ana ℥ j. ʒ. Decoctionis Boraginis, Hordei. Endiuia ℥ ʒ. myscē pro syrupo. Et si desideratis syrupum compos. magis efficacem, decoctioni addatis fol. senæ ℥ ij.

Sed aduertendum hoc loco esse exhibēdos syropos compositos post primam purgationē;

hoc est inter primam & ultimam purgationē;
vt sit interuallum 8. aut 10. dierum. Exhibea-
tis autem hos syrupos alternis diebus, & die-
bus intermediis, & propter caliditatem pur-
gantium & luis poteritis exhibere decocta ex
refrigerantibus, ex cichoraceis, & similibus.
Vt si contingat corpus egrè perferre calorifica
medicamenta, alternis diebus expedit vt sero
lactis. Hæc de medicamentis ratione totius.

*Quantum ad
luis resp.*

Quantum ad medicamenta luis respicien-
tia (in quibus proponendis oportet summa
vti diligentia: qui pace multorum dixerim, ple-
rique sunt, qui quod operantur, ignorant) nō
recedentes a Galeno 13. Methodi 6. ex illius
loci doctrina colligimus esse alterantia & va-
cuantia: vt omnia ad duo prima capita refe-
rantur. Quod ad alterantia, alterantur qualitate
vel recondita, vel euidenti. Si recondita respi-
ciunt luis peccatum secundum formam. Si au-
tem agant euidenti qualitate, aduersantur luis
vt peccat secundum putredinem, caliditatem,
lentorem; & quandoque duritiem.

Alterantia

Vacuantia

Quantum ad vacuantia, vacuant illa (di-
cant alij quicquid velint) vel impellendo ex
pultricem, vel roborando: vel attrahendo: vel
ratione caliditatis: vel ratione similitudi-
nis, quæ hydrargyro aut antimonio tribui
non possunt, non vt mini vos illis nisi sum-
ma necessitate coacti: habemus nos præstan-
tiora

tiora vt securiora v. sed quænam sunt illa? Guaiacum, salſa, chyna, ſaſſafras. Quantum ad Guaiacum non expectetis vt vobis explicẽ quod ſit bonum, aut malum, ſciamus Guaiacum ſecundum formam eſſe ſimile naturę humanę; & eſſe ſimile facultati alteratrici; vt huius beneficio facultas alteratrix corporis melius agat in materia morbiſicas. Sed præterea dicimus eſſe amicum Expultrici: calidum & ſiccum in ſecũdo gradu: eſſe tenue; nõ ita tamen vt non ſit particeps etiam alicuius craſſitiei, ad differentiam Salſæ. Præterea dicimus eſſe pingue, acre, & benè odoratum. Cum ita ſit conſtitutum Guaiacum; non difficile erit colligere quæ eius eſſe poſſint facultates: Vnde quantum ad formam, quæ in Guaiaco ſimilis eſt naturæ humanæ (vt aliqua ex parte corrigere licet ex Galeno vbi agit de Alexipharmacis) vim habet alterandi; vt per alterationem ita roboret alteratricem (non alterat luem ſunt nugæ) vt alteratrix robuſta reddita, adimat luis actum ſecundum; & nõ poſſit operari: quemadmodum etiam dum magnes tangitur ab adamante; adamas adimit actum ſecundum magneti: ſed præterea. Guaiacum propter caliditatem habet vim reſoluendi, imminuendi luem: propter ſiccitatem corrigit putredinem propter tenuitatem poteſt attenuare: propter pinguedinem emollire: quin imò etiam nutri-

re propter amaritudinem abstergit: propter acrimoniam expultricem irritat: propter iuauem odorem spiritus reficit. Hoc autem loco notandum corticem esse sicciolem; vt magis conferat quàm lignum si lues est vehementioris putredinis: in reliquis lignum est anteponendum cortici. Quantum ad salsam, est medicamentum secundum formam simile humanæ naturæ: in actibus est temperatum (nequaquam calidum vt quidam somniant) siquidem neque falsum est, neque amarum, imò neque odoratum neque dulce. Vt hinc liceat colligere salsam esse medicamentum in actiuis temperatum quod si aliqua ex parte declinet à temperato, vergit potius ad frigidum. Siccum est in fine secūdi, hoc est in tertia mansione; nam euidentissimè siccatur; vt ferè ad vehementem accedat siccitatem; ad tertium siccitatis gradum.

Præterea est medicamentum tenuissimum, quidem ita tenue, vt nequaquā sit particeps & alicuius astrictionis; ad differentiam Guaiaci. Partes omnes salsa habet vniformes, habet tenuissimas. adhuc est medicamentum citra pinguedinem, citra amaritudinem, citra acrimoniam & citra odorē. Cū salsa sit medicamentum ita constitutum; quantum attinet ad formā, quæ est similis naturæ humanæ: scire debetis, quod tamen si hoc medicamentum sit simile

le

le naturæ humanæ secundum formam: tamen est differentia inter ipsam & Guaiacum; ut falsa postponenda sit Guaiaco. In Guaiaco est forma similis: sed maioris actiuitatis ut propterea falsa minus roborat facultatem naturalem quam Guaiacum. Quod autem ad temperiem, si hanc spectemus secundum actiuas qualitates, falsa est magis efficax Guaiaco, falsa namque magis castigat luis caliditatem: quia imò Guaiacum, quia calidum non corrigit: sed potius auget caliditatem. Quod ad siccitatem, falsa magis iuuat quam Guaiacum: quia magis corrigit putredinē luis: ratio est quia falsa est siccior Guaiaco.

Quod verò ad tenuitatem; falsa propter sui tenuitatem pariter est anteponenda: citius petit luem; & est quasi ventriculum ligni, quia est tenuior ut mirandum non sit ut in intensioribus morbi Gallici doloribus falsa tantum Medici præ Guaiaco. Caterum falsa ita est tenuis, ut sit prorsus expers astrictiōis; hinc fit ut non ceat calido ignato ventriculi videlicet dissipando: & hoc est quod dicunt isti falsam esse inimicam ventriculo ratione formæ (sunt nugæ) est expers astrictiōis: ut autem falsa est citra pinguedinem; non emollit, non habet vim nutriendi. Vt a. est citra amaritudinem & citra acrimoniam, ad differentiam Guaiaci, neque abstergit neque irritat expultricem, quia non est acris: ut secundum hanc rationem sit post-

*in ea car
noat utri
m*

ponenda Guaiaco. Postremò cum sit citra odorem spiritus non recreat ad differentiam Guaiaci. Hæc de falsa.

Quò ad chynam: oportet etiam huius doctores callere, vt sciatis quando miscenda sit cum falsa: quando in maiori, quando in minori copia. Chyna igitur secundum formam est similis naturæ humanæ: quamuis sit postponenda Guaiaco: in actiuis qualitatibus est temperata: cuius signum: quia vt diximus de falsa neque est amara, nec acris, nec falsa: puto tamen magis vergere ad frigidum: propterea quod non prorsus subobscura dulcedine donata videtur, quæ nequaquam conspicitur in falsa. In passiuis qualitatibus est sicca in primo: vt mirandum non sit si corpora emaciata hanc melius perferant quam falsa aut Guaiacum, præterea est tenuis: ita tamē vt sit particeps alicuius densitatis ad differentiam falsæ est pinguis dum bona est, citra amaritudinem, citra acrimoniam, & odorem. Vnde quantum ad formam chyna est postponenda. Guaiaco; quod est valentius Alexipharmacum: & æqualis esse videtur cum falsa, chyna pariter propter temperiem in actiuis qualitatibus potest corrigere luis caliditatem, minus tamen quàm falsa, propter siccitatem quidem corrigit luis putredinem, sed minus quàm Guaiacum, minus quàm falsa: vt ratione putredinis luis china sit postponenda

nenda & ligno & salsa, propter consistentiam minus penetrat salsa. Salsa omnia excedit in penetrando, propter pinguedinem magis emollit, & magis nutrit: vt merito pinguedinis chyna sit anteponenda omnibus Alexipharmacis. Vt autem est citra amaritudinem, acrimoniam, & odorem: proculdubio est postponenda ligno.

Quantum ad sassafras, secundum formam est medicamentum simile naturæ humanæ calidum & siccum in fine secundi, tenue, non pingue, leuiter amarum, acrius ligno, & odoratus etiam. Et ob id quò ad formam, cum sit amica naturæ humanæ, non ita tamen sicut Guaiacum, propterea roborat quidem facultatem naturalem, verum minus quàm Guaiacum: propter caliditatem resoluit, sed auget caliditatem luis, in hoc nocet. Propter siccitatem strenuè corrigit putredinem: propter tenuitatem attenuat, penetrat, sed cum sit medicamentum non pingue, non alit, non emollit. Propter amaritudinem detergit, sed minus quàm Guaiacum. Propter acrimoniam expultricem irritat: propter odorem spiritus roborat, reficit, vt propter siccitatem & odorem sassafras sit anteponendum ligno, quia siccius, quia odoratus.

Quo ad Hydrargyrum secundum formam aduersatur naturæ humanæ, est venenum. Se-

C 5

cundum temperiem est frigidum, nō siccum. Quare antequam tradam receptum & Guaiaci & aliorum, explicare opus esset, (quoniam hoc negotium difficillimum est, & neminem video qui mihi satisfaciat.) qua ratione Hydrargyrum per superiora exhibitum, sit in causa ut lues Venerea euacuetur.

Nos nugis posthabitis (utilitatis vestre gratia) dicimus nequaquam esse asserendum in causa esse Hydrargyrum huius euacuationis propter modum attractionis. Nam dum applicatur cruribus, dum inungitur, fit euacuatio per os, per palatum: quare vel cæcus videat non fieri illam euacuationem causa attractionis: nec est ut discurremus circa attractionis genera: quia esset superuacaneum. Concludendum ergo hanc euacuationem fieri per modum impulsionis, quia non datur tertium: ut propterea non cōcurrat attractrix partium, sed expultrix. Porro expultrix, hoc est, facultas naturalis ad expellendum bifariam concurrat. vno modo ut roboratur: siquidem expultrix facultas, quod robustior, quod validior fuerit, eò efficacius expellit. Altero modo concurrat expultrix ut irritetur. In præsentia cuiuslibet evidentissimum esse debet non concurrere Hydrargyrum ut vim habeat roborandi expultricem, hoc enim præstat Guaiacum: hoc præstat illud medicamentum quod est simile secundum

dum formam, quod non est Venenum: vt cum Hydrargyrum sit venenum, nequeat esse in causa vt expultrix Hydrargyro robur accipiat. Quare ex necessitate relinquitur vt expultrix ad expellend. concurrat: non quia robur accipit: Sed quia irritatur. Irritatur verò ab Hydrargyro: quod formam habet naturæ humanæ inimicam. Caterum non hoc scire oportet modò, sed illud etiam addendum, hydrargyrum non modò esse iufensum facultati naturali expultrici: sed potissimum aduersari partibus nervosis. Nec hoc dictum est chymericum: nam proxim Medicam exercentes, & inter eos præstantissimi quique in malis nervorum, nequaquam vtuntur hydrargyro ad expugnandam luem veneream: & experientia quotidiana testatur, artifices destinatos effossioni hydrargiri (metallicos) quamuis natura sint robusti: ex necessitate tamen affici secundum nervos, vt & plurimum post tres vel quatuor annos tremoribus, & aliis nervorum noxis corripiantur. Vt sic verissimum maneat (cùm hydrargyrum naturæ humanæ sit infensum, & potissimum facultati expultrici nervorum, qui à cerebro ducunt originem) quod sua forma, mediante frigida qualitate, ita agat in nervos, vt compatiatur etiam cerebrum: quod ob sui robur non suscipit luem, sed antequam suscipitur lues, dum perducitur in caput

non in substantiam cerebri (quia non permittit frigidum suscipi in cerebrum) per os cum impetu euacuar, vt vi frigiditatis hydrargyri lues venerea sursum ad principium neruorum per modum percussionis impellatur: vnde postea facultas cerebri, sicuti tempore sanitatis, solet cerebri excrementa crassa per os euacuare, vt videmus accidere in inunctionibus, quod per os fiat Euacuatio propter hydrargyrum; non sensim: Sed cum magna violentia, impetu, acceleriter per os excernitur materia: propulsa ad fauces, ad venas linguæ, ad gingiuas, quò fit vt partes illæ intumescant.

Quò ad antimonium: hoc in se habet, vt vehementer soluat per vomitum, & secessum: sed quātum ego experientia potui coligere ac deprehendere rarissimè luei superat. Vt hæc mea sit sententia, in Lue venerea desistendum esse ab Antimonio, & in reliquis fidendum. Totius profectò est & consultius: vti Guaiaco, salsa sassafras, china: quam Antimonio & Hydrargyro. Nam hæc naturæ humanæ sunt inimica, & venena: nec vsurpanda, nisi summa necessitate urgente.

Ceterum quia Hydrargyrum est efficacius illis quæ enumeravi ad debellandam luei veneream: quotiescunq̃ lues venerea ad summum est contumax: & corporis conditio seu virtus permittit: non improbo si quis hydrargyro

gyro vtatur siquidem vt prouerbio dicitur, malo nodo malus est quærendus cuneus. Porro aduertere oportet dum exhibetur Guaiacum; saepe a Medicis peritis id obseruari (& rectè) vt cum ligno reliqua permisceant: quæ quamuis sunt varia: rediguntur tamen præcipue ad duo capita: quod memoriæ mandare debetis, vt cognoscatis scientiam esse breuem, nõ prolixam reddendam.

Redigantur igitur omnia ad adiuuantia & Corrigentia. Ad adiuuantia: vt Guaiacum citò vincat luem venereum. Ad corrigentia; vt tutò & cum iucunditate. Vnde quantum ad adiuuantia: hæc respiciunt vel luem, vel luis subiectum. Quò ad luem: suo loco intellexistis quod in lue erat necessarium plura vitia mente concipere.

Quamobrem quantum ad vitium: ratione formæ luis, lignum nullo alio indiget medicamento: merito cuius Expultrix irritetur vel adiuuetur ad expellendam virulentiam Gallicam non tamen est præter rationem si expultrix sit languida, infirma, aut diminuta: adiuuare illam quæ per plures vias excrementa consuevit deponere, vt promptius ad determinata loca perueniant atque educantur: videlicet per aluum, per vesicam, per cutis meatus seu poros.

Sic causa alui astricta licet vti vel lenientibus vel leuiter soluentibus, causa lotii semini

bus melonum, adiantho, Capillo veneris, rad. feniculi, semine anisi. Causa sudoris Carduo sancto &c. Sed diligenter aduertite, ne (quod plerique faciunt) cum iis quæ sudorem mouent, permisceatis aluum soluentia aut purgãtia. Quod si opus sit vt exhibeatis solutium ob aluum nimium abstrictam, eo die intermit tetis decoctum ligni: ne natura eodem tempore diuersis motibus affligatur.

Iam ad sequentia transeamus: & primum ostendamus quomodo Guaiacum sit administrandum. Secundò quæ debeat esse quantitas. Tertiò quis modus exhibitionis. Quartò quando hoc medicamentum sit exhibendum. Quintò vbi administrandum.

Quantum ad primum, dictum modò fuit, quod si respiciamus formam ligni Guaiaci, ita efficax esse ad expellendam virulentiam Gallicam, vt aliud Alexipharmacum non requiratur: attamen non est præter rationem admiscere etiam adiuuantia ratione putredinis: quia vt scitis lues peccat etiam secundum putredinem. Vnde practicanes dum putredo luis vrget, cum Guaiaco miscent corticem, salsam, & propterea sunt laudandi.

Et ratio est quod ad siccandum & ad expugnandam putredinem, cortex anteponitur Guaiaco: salsa etiam quia est siccior. neque tali lue peccante improbatursalsafras ratione scilicet

licet putredinis: vt sassafras magis siccet quàm Guaiacum. Sed præterea cum hæc lues peccet ratione caliditatis, ratione lentoris: quandoque ratione crassitie, quandoque etiam ratione duritie, oportet vos esse diligentes, vt sciatis componere medicamenta.

Ratione igitur caliditatis luis, vtile est cum Guaiaco permiscere salsam, chinam: nam hæc duo magis possunt castigare caliditatem luis, quàm Guaiacum.

Ratione autem lentoris, Guaiacum non eget aliqua mixtione prædictorum: nam lignum magis est amarum reliquis.

Si spectemus peccatum luis, quod non est semper perpetuum secundum crassitiem: expedit cum Guaiaco permiscere salsam: sassafras, quandoquidem salsa magis attenuat, & sassafras quàm Guaiacum. Postremò quò ad vitium secundum duritiem, optimum est dura existente lue permiscere cum Guaiaco Chinam: quia magis emollit quàm Guaiacum, est exigua vis emolliendi in Guaiaco, non in sassafras, non in salsa. Hæc de adiuuantibus vt respiciunt luem.

Quod ad luis subiectum attinet, illud vel est proximum, vel remotum. Si subiectum est proximum (verbi gratia) Venter; Iecur, Guaiacum: non eget aliis, quia propria sua tenuitate potest premeare ad ledem luis; quia

sedes est proxima. Cæterum si sedes sit remota Guaiacum eget adiuuante: vt expediat permiscere non chinam, sed salsam & sassafras: nam hæc duo substantiam obtinet tenuiorē Guaiaco, vt meritò si sedem habeat lues in capite, in artubus, expediat Guaiacum adiuuare sassa. vel sassafras, vel vtroque.

Cæterum quoniam non hæc modò Alexipharmaca sunt adiuuantia, verum etiam pleraque alia: idcirco expedit, imò necessarium est pro salute hominum cognoscere quænam sint miscenda præter hæc cum Guaiaco. Ratione luis sat est perpendere vitium ratione putredinis, caliditatis, lentoris, crassitie, duritie; non tantum secundum formam, quia non loquimur de Alexipharmacis.

Ratione putredinis non est præter rationem cum Guaiaco; cum Alexipharmacis permiscere quinquefolium, adianthum. Ratione peccati secundum caliditatem, si lues sit iustò calidior, debetis permiscere Cichorium, Endiuia, Cichoracea, Sonchum.

Ratione lentoris, vbi visciditas est intensa, non est præter rationem amariora permiscere. Si illa non sunt in vsu, debetis existinare malam esse consuetudinem quod Medici hisce simplicibus seu herbis non vtuntur: misceatis vos scordium prassium.

Ratione crassitie permisceatis radicem filicis

licis maris, quia maxime attenuat: ratione duritiei cum Alexipharmacis decoquatis Glycyrrhizam, althæam, maluam, & similia. Sed præterea licet etiam ascendere ad Ammoniacum: quod quamuis nõ possit permisceri cum decocto: debet tamen permisceri cum Guaia-
co dum exhibetur in puluere vt suo loco docebo.

Adiuuantia & non Alexipharmaca ratione subiecti luis debent varia permisceri, prout subiectum luis est varium (verbi gratia) si sedes est ventriculus: cum Alexipharmacis oportet permiscere coriandrum, myrrham, absinthium, ars medendi hoc monstrat, quamuis apud plerosque non sit in vsu talis præscriptio medicamentorum. Si luis sedes sit Iecur: si contingat vt Iecur sit calidi⁹ (quod sæpe contingit) oportet permiscere cichoracea, hepaticam, aquam communem; quamuis non improbem aquas destillatas in vase vitreo.

Si eueniat (quod quandoque contingere solet) vt sedes luis sit Iecur; sed frigidum sit vt immineat hydrops; debetis miscere Agrimoniam: & loco aquæ vinum: vt mirandum non sit si aliqui lue affecti obiêre hydropici: & alii ob alios morbos propter negligentiam Medicorum.

- Si sedes luis sit Lien, misceatis Cæterach, phyllitidem, cort. capparum; imò etiam cha-

D

lybem : vnde non est præter rationem in lue venerea, dum adest lienis tumor, cum decocto Guaiaci semunciâ vini chalybeati miscere.

Si sedes luis sit cerebrum, permisceatis betonicam, maioranam, stæchadem vnum vel aliud; saluiam, hyssopum: odorata vt cinamomum: & nisi aliquid prohibeat etiam vinum, siquidem in oculorum dolore ex Hipp. sententia vinum meracum exhibitum confert: quia perducitur ad oculos per caput. Tandem si sedes affecta sit vterus: potestis permiscere vel adianthum, vel matricariam, vel artemisiâ, vel origanum, vel pulegium: vt nisi aliquid sit quod calidû prohibeat, sit etiam descendendum ad myrrham; eo modo qui est propositus de ammoniaco.

Cæterum non sufficit in tradendo præscripto Guaiaci vel recepto permiscere adiuuantia: sed oportet etiâ corrigentia adhibere. Guaiacum ratione forme, q̄ calida est & sicca, similis nature humane, tenuis, pinguis, acris, amara, suavis odoris: non eget aliquo corrigente, sed aduertere debetis (& quidem diligenter) an lues sit calidior, an cum lue sit coniuncta febris, an hepar impenſe calidum: tunc licet permiscere salsam, chinam, vt corrigentia: quoniam salsa & china, cum non sint ita calida, imò potius ad frigidum vergunt, possunt attemperare caliditatē Guaiaci: vt non noceat sua caliditate, similiter corrigi

rigi debet ratione exuperatis caliditatis a qua, cichoraceis, hordeo, & similibus refrigerantibus. & quia etiam siccum est Guaiacum, ut ea ratione possit obesse (non quidem putredinis quia sic iuvat) sed quia lues est melancholica, quia patiens sicciorum habet ventriculum: quia totus corporis habitus est siccus: eamquam ratione indiget corrigente: quare permisceatis buglossam, boraginem, maluam, & potissimum carnem pulli, vituli, vel caponis, ratione tenuitatis Guaiacum: ratione pinguedinis non eget corrigente, quia non potest ledere.

Ratione amaritudinis: si contingat ut patiens amaritudinem perferre nequeat, & proinde laedat: non modò citò & turò, sed etiam cum iucunditate est occurrendum: quare consulo ut permisceatis passulas, liquiritiam, sic ratione acrimoniae, & caliditatis eget corrigentibus ut dictum est, nec opus est eadem repetere, ratione odoris non eget aliquo corrigente, quia non nocet, imò potius iuvat. Et sic ut opinor patet qua ratione liceat pleraque siue sint adiuvantia, siue corrigentia permiscere.

Sed propter iuniores non erit praeter rationem exempli gratia describere medicamentum quòd sit confectum ad debellandam lue veneream: & iuniores quæso animadvertant tripliciter posse componi hæc medicamenta: cū

aqua, cum iure, & vino. Cum aqua poteris
tis secundum hunc modum præscribere.

℞. Scobis Guaiaci ℥ S. cort. Guaiaci,
falsæ parillæ añ ℥ ij. chinæ ℥ j. β. Aquæ
fontanæ ℥ xij. fiat infusio per diem natura-
lem, deinde decoctio ad consumptionem di-
midie partis pro syrupo, Postea.

℞. Residuum colaturæ ex decoctione
prima, adde aquæ ℥ xvij. fiat infusio per
tres vel quatuor horas, decoquatur ad con-
sumpt. tertiæ partis pro potu. Et hoc loco ad-
uertite circa reliqua medicamenta siue sint
adiuuantia, siue corrigentia: vel esse grata &
iucunda; vel ingrata, insuauia. Si iucunda gra-
ta, suauia; possunt decoqui in simul cum Alexi-
pharmacis antequam fiat decoctio pro po-
tione: ita tamen ut prudens sit pharmacopœus
vel potius Medicus; ut iubeat, quæ longiorem
decoctionem non perferunt, circa decoctio-
nis finem illa imponere (ut sunt passulæ & id
genus alia) secus statuendum est de reliquis,
longam coctionem sustinentibus.

Quod si ingrata sint; coquantur cum portio-
ne syrapi, non cum toto decocto: ut cum cale-
fit decoctum, cum est paratum; ex decocti hu-
ius ℥ 6. possumus accipere ℥ j. & cum
exhibendum est imponere herbas (potissimū
nō recētes) quoniā virides possunt esse in caus-
sa ut syrupus corrumpatur; quemadmo-
dum

dum est borago, buglossa, melissa, Endiuiā, virides . Si velletis has herbas decoquere vna cum Guaiaco, haberetis 6. lb. decocti; hæc sex libræ si darentur per tres dies, procul dubio decoctum putrelceret; & eger cum nausea atque fastidio, imò (cum detrimento decoctū illud putridum assumeret.

Alter modus est, vt nisi aliquid obstat: vt si non putrefaciant decoctum quæ imponuntur, & herbæ exiccatae decoqui possint eo tēpore, quo decoquitur Guaiacum, cum supponamus has herbas & medicamenta esse ingrata, si volueritis sine aliquo artificio hæc ingrata medicamenta decoquere: tunc decoctum non pro syrupo, sed pro potu redditur ad summū ingratum: quia (vt scitis) capimus residuum, videlicet Guaiacum & reliqua medicamēta, & cum aqua decoquimus pro potu; vt potus ingratus atque iniucundus euadat. Quare sciatis ordinare, & iubeatis, vt dum paratur decoctum ex Guaiaco; ex 12. lb. aquæ supersint 9. non 6. Hac facta decoctione ad cōsumptionem lb 3. postea fiat colatura: & accipiatis residuum Guaiaci; salsa, & reliquorum (quæ sunt Alexipharmaca) & cum aqua fiat potio, postea accipiatis illas 9. lb. quæ erant præparatae pro syrupo, pro decocto, non pro potu; & imponatis in illis 9. lb. decocti herbas illas ingratas, & fiat decoctio ad consumptionem partis

tertiæ, tunc remanebunt lb 6. quibus vti oportet pro syrupo. Sic igitur Guaiacum cum aqua præparatur. Cum iure hunc im modum.

R. Guaiaci, chinæ ana \bar{z} j. β . Salsæ \bar{z} j. Aquæ lb vj. Fiat infusio per 24. horas, deinde adde carnis pulli \bar{z} j. Fiat decoctio ad consumptionem medietatis. Quid ad potum tradendum est præscriptum vt prius.

R. Quod residuum est. Aquæ lb x. fiat decoctio ad consumptionem lb 3. pro potu. Notandum discrimen inter hoc receptum & prius: nam in priori medicamento apposita est magna quantitas Guaiaci & reliquorum: in hoc dosis est exigua: salsa fuit imposita ad \bar{z} j. lignum & china ad \bar{z} j. β . est exigua quantitas, aquæ etiam copia exigua, ratio est, quoniam quoties ita paratur decoctum, non potest durare. Similiter corrumpitur ratione carnis: vt si tempus sit calidius: non liceat ordinare hoc medicamentum in magna copia, sed exigua, & ea portione, vt medicamentum solum per vnum diem perduret. Præterea notand. sal sam esse positam in minori dosi, quia pl^o iustò siccat; & magis quàm china & dum vtimur carne semper respicimus ad corporis marciem: & ob eandem rationem Guaiacum non excedit dosin chinæ: quia china vt pinguior, est anteponenda Guaiaco: ideo oportet rectè calere naturam medicamentorum.

Et

Et hoc loco notandum etiam cum reperiantur nonnulli egri qui pro potu uti iure, aqua decocta cum carne non possunt: non esse à ratione alienum ut post potum decoquatur Caro, quemadmodum etiam de herbis in iucundis dictum est. Deinde advertere etiam oportet, non esse faciendam decoctionem in iure: nam cum opus sit longa decoctione, syrupus vel decoctum illud salum euaderet.

Postremò cum liceat quandoque uti Alexipharmacis cum vino ut suo loco diximus, poteritis hunc in modum præscribere.

℞. Guaiaci ℥ ix. corticis ℥ iij. salsa, safras ana ℥ j. Aquæ lb xij. fiat decoctio pus infusionem scilicet, ad consumpt. trium partium. Erant lb xij. quare remanebunt lb iij. Deinde adde vini generosi lb iij. & fiat levis decoctio quoniam vinum non debet diu decoqui; deinde cola exprimendo pro syrupo. Pro potu.

℞. lb xvj. & quod residuum est decoquatur ad consumptionem dimidij, deinde adde vini lb iij. misce pro potu. Hæc igitur dicta sint de mixtione Guaiaci cum reliquis, siue sint Alexipharmaca, siue alia medicamenta, ut ex his pateat etiam qua arte liceat miscere salsam cum reliquis, atque etiam chinam (Verbi gratia) propter iuniores.

℞. Salsa lb 5. sem. coriandri ℥ 5. Aquæ

D 4

℔ x. fiat decoctio ad consumptionem pro syrupo. Hoc loco notandum poni coriandrum ut corrigatur salsa, nam salsa (ut suo loco intellexistis) omnis astringentis experta est; ut noceat hac parte ventriculo. Et hæc de primo.

*2^o de quan
titate*

Secundum propositum explicandum erat de quantitate, hoc est; quæ sit dosis accommodata morbo Gallico affectis. Syrupi est ab ℥ iij. ad ℔ j. hoc solum notandum, maiorem dosin esse exhibendam ante prandium, quam ante cœnam. Et sic debetis intelligere, ne erretis, sicuti faciunt qui & mane & sero dant 7. uncias decocti. Si mane exhibeatis ℥ vij. vespere ante cœnam exhibete ℥ v. ratio est, quia inter prandium & syrupum vespertinum est minus interuallum, quam inter cœnam & syrupum matutinum (verbi gratia) exhibemus syrupum hora x. prandium est hora xiv. secundum syrupum hora xxi. cœnæ hora xxiiij. Et sic sunt horæ xix.

Quò verò ad dosin pulueris Guaiaci & reliquorum, potestis exhibere à ℥ j. ad ℥ iij, propter iuniores sic poteritis ordinare;

R. Pulueris Guaiaci salsæ añ ℥ ij. Betonica ℥ j. cum syrupo de Betonica, fiant pilulæ, & poteritis duabus vicibus exhibere. Imponimus Betonicam supponentes fomitem & subiectum luis esse caput.

*3^o ad huc
extendi*

Quod ad modum exhibitionis, non modò in
forma

formaliquida, sed etiam in consistente oportet exhibere; siquidem Guaiacum efficaciter agere debet. Id fiet si cum decocto exhibeantur pilulae & electuaria confecta ex Guaiaco. Praeterea ut strenue agat, id requirente passione melius, praestat decoctum actu calidum exhibere. Ita enim melius prouocat sudorem melius penetrat: atque hinc melius venas ingreditur, & melius agit in facultatem & alteratricem & expultricem. Notandum autem circa sudorem, ut prouocetur vel pannis calidis, vel cucurbitis repletis aqua. Propono multos modos: quia experientia probaui, alios melius hoc modo, alios alio sudare. Potestis cucurbitas applicare axillis, est res certa: licet uti regulis, hypocauftis vulgatis. maximè etiam probatur nouum illud instrumentum ligneum. Et si contingat ut lues sit melancholica: corpus aliqua ex parte vergat ad siccitatem: utile est sudorem prouocare aqua dulci, sed sit actu calida: Ideo ne committatur error in primis illud obseruandum, ut sudor prouocetur non illico assumpto decocto, sed per horam post assumptionem. Et ratio est, quia operæ pretium est, ut hoc medicamentum aliquantisper moretur in ventriculo, donec deducatur ad actum.

Reliquum seruandum est, ut panni qui inficiuntur sudore, non simpliciter siccentur sub radiis solis, vel beneficio ignis, sed est necessa-

D 5

rium lauare, vt lues illa per sudorem extracta
extoto deleatur.

Quò ad caput, quando agendum? procul-
dubio dum est praesentia huius luis, & nihil
prohibet, quò ad luem, non modò per 30. aut
40. dies, sed per 60. & plures exhibere de-
betis decoctum. Experientia saepè obseruauit,
cum miseri patientes ad Medicos accessissent,
& malum adhuc recens esset, symptomataque
mitia, decoctum exhibitum per xv. dies non
planè sustulisse luem veneream, sed imminuif-
se tantum. Quare exhibeatis ad minus per
40. dies

Et si còtingat vt lues perseueret; potestis &
vos perseuerare in decoctis: sed sufficit semel
exhibere. Quando verò ad summum pertinax
est malum & non licet homines diu detinere
in cubiculis; poteritis singulis diebus manè ex-
hibere quoddam Electuarium per horas 4.
ante prandium: & vel calidius, vel frigidius,
pro constitutione aut temperamento labo-
rantis. Vt si calidius sit corpus: si homo calidio-
ris sit iecoris, hunc in modum.

℞. Salsæ \mathfrak{z} j. β. ligni Guaiaci \mathfrak{z} β. pulue-
ris sonchi \mathfrak{z} s. hepatis lupi \mathfrak{z} j. conseruæ
cichoreæ ℥ ij. β. cum syrupo de stechade
fiat Electuarium Dos̄ sit à \mathfrak{z} ij. ad \mathfrak{z} j.
Notate hoc loco obiter salsam & lignum re-
spicere luem (sunt enim Alexipharmaca) son-
chus

chus respicit hepar calidum similiter & cichorium: pariter etiam hepar lupi. Et hoc Electuarium potissimum probatur in lue venerea cuius fomes est Iecur. Recipit conseruæ lb ij. ss. cuius compositionis & quantitatis hæc est ratio: vt pro singula vncia sit ʒ j. pulueris.

Si contingat vt corpus sit frigidum potestis sic præscribere.

R. Guaiaci ʒ j. ss. cort. falsæ ʒ ss. pulueris Agrimonie ʒ ss. hepatis lupi, mitridati veteris, confectionis cypheos ana ʒ iij. conseruæ ex foliis viridibus agrimonie lb iij. cum syrupo de agrimonia fiat Electuarium. Dosis vt prænotatum. Tantum sit dictum quod attinet (quando agendum) cum respicimus ad præsentiam luis. Si respicimus ad prohibentia sciatis causam morbificam, & virtutem (si copiosa sit) sua præsentia prohibere ne demus Alexipharmacum: hanc ergo decet euacuare, & purgare corpus. Et quanquam initio corpus est mundatum: tamen cum subinde noua excrementa generentur, nisi à natura sufficiens fiat Euacuatio: debetis illam adiuuare clysteribus, imò etiam soluentibus: exhibendo singulis decem diebus aliquod soluēs; de quo suo loco diximus.

Cibus etiam sua præsentia prohibet; quare non detis decoctum dum ventriculus est repletus cibo; Sed quatuor horis post cibum.

Sed quomodo prohibet virtus? non prohibet simpliciter, & ratione qualitatis: quia virtutis organum hoc est calidum innatum iuuatur à calido, sed prohibet ratione suæ substantiæ; quæ sanè dissoluitur si diutius iustò, si tempore calidiori, exhibeatur. vnde satis mirari non possum, quod aliqui sibi imaginantur, optimū tempus exhibendi Guaiaci, curationis per lignum Guaiacum instituendæ, esse mediam æstatem. Certè virtus prohibet ne faciamus, quia calidi innati substantia dissipatur duplici ratione, primò vi Guaiaci, quod est in causa vt fiat sudor, expulsio, dissolutio substantiæ calidi innati: deinde quia non licet decoctum exhibere, nisi patiens soluentibus vtatur vtraque dissipant calidum natium.

Et si autem frigidiori aëre existente; ratione pugnantis qualitatis, non liceat administrare decoctum Guaiaci: nihilominus possumus aërem frigidiorum cum calidis corrigere, vt eam ob causam minus noceat quàm æstate. Optimum igitur & maximè oportunum tēpus quo exhiberi debet Guaiaci decoctum, est intermedium temperatum; quod non nimis est calidum, neque etiam frigidum.

Præterea notandum dum exhibetur decoctum, non debere nos in id tantum intentos esse, eò respicere, vt sudor prouocetur; nequaquam. Dictum enim fuit, & rei natura hoc docet,

cet,

et, expultricem non vnius sed omnium partium corporis reddi robustam virtute Alexipharmaci ad expellendam luem vt expultrix indifferenter expellat, quandoque ad vnam, quandoque ad aliam partem. Quòd si contingat (quod rarò euenit) vt natura ducat euacuationem luis per aluum; non debetis prouocare sudorem: non debetis euertere optimum opus naturæ; quia noxiam materiam expellit per locos conuenientes.

Quò ad vbi agendum: hoc medicamentum quod conficitur ex Guaiaco & reliquis potest administrari ori & reliquis corporis partibus, pro varia luis subsistentia. Vt si lues subsistētiā habet secundum partes internas, per os hoc medicamentum est exhibendum: si extra; variis partibus, prout variæ sunt affectæ. Verbi gratia, si vlcus est in crure, cruri applicandum medicamentum. Et sic de reliquis,

Cæterum cum quandoque eueniat, vt non possit hæc lues vinci propositis medicamentis; vt necesse sit (gratia salutis & vitæ ægrotantis) confugere ad hydrargyrum: in primis ad uerratis quæ debeat esse compositio antequam descenditis ad huius vsum. Quare scire vos oportet hydrargyrum egere & adiuuante, & corrigente.

Quantum ad adiuuans; si consideremus Hydrargyrum ratione formæ, non eget adiu-

*Salvi Am
nisthano*

*De Hydr
g*

uātibus: ratio est, quia quæ respiciūt formam Hydrargyri, si debent esse adiuuantia vim hydrargyri, necesse est vt formam habeant similem hydrargyro: quare hæc forma esset venefica: nam est addendum venenum veneno, præterea neque licet ita dissimilibus vti, hoc est quæ sunt dissimilia secundum formam: nam vt adiuuent tantum abest, vt potius impedian, quare in compositione hydrargyri adiuuantia nequaquam debent adiuuare à tota forma; sed per manifestas qualitates.

Quæ sunt illæ qualitates manifestæ? Ego has esse puto: tenuitatem, acrimoniam, amaritudinem, propter tenuitatem medicamēta, quæ miscentur cum hydrargyro iuuant penetrationem: eget autem penetratione hydrargyrum quia frigidum est, præterea adiuuantia tenuis substantiæ sunt amara, quæ etiam valent ad luis deterfionem: illa igitur permiscere cum hydrargyro licet, adiuuant etiam quæ habent acrimoniam: nam quæ acria sunt, habent vim mordicandi, irritandi expultricem: cuiusmodi est castoreum, bacca Lauri, bacca Iuniperi, item olea ex his. Dantur denique adiuuantia propter crassitiem: cuiusmodi est cera, quæ vt nulla ex parte lædat potest abluī cum decocto baccarum Lauri, vel prassij. Cera autem adiuuat propter suam consistentiam, quæ est in causa vt hydrargyrum diutius permaneat;
non

non ita fluat, sed adhæreat cuti, & in mora melior fiat actio. Sed quæ habent vim corrigendi ad differentiam adiuuantium, concurrere possunt non solum à qualitate manifesta, sed etiam à tota forma. Veluti est saliva humana & præsertim hominis ieiuni: qua hydrargyrum solet extinguui: præterea sunt etiam antidoti: Theriaca, mitridatum ratione qualitatis quæ vim habet corrigendi sunt calida, pingua, odorata.

Hydrargyrum si rectè administratur, plurimum prodest ad expurgandam luem veneream. Sed si error committitur in eius administratione (cùm sit venenum) quandoque solet esse in causa morborum maximi momenti, quandoque etiam mortis: vt propterea necessarium sit explicare, qua ratione hydrargyrum miscendum sit cum reliquis medicamentis; quæ respiciant formam hydrargyri audiuiſtis. In præsentia pergentes, dicimus, quæ respiciunt frigiditatem hydrargyri, concurrere caliditate, pinguedine, odore.

Nam Hydrargyrum vt est frigidum, eget calido, vt magis penetret, propterea quod est calidum habet vim absumendi, resoluendi: vt propterea non sit præter rationem admiscere oleum ex baccis lauri confectum, ex baccis Iuniperi: item vinum, antidotos Theriacam, mitridatum, quas antidotos in præsentia perpendo, vt medicamenta calida.

Præterea miscenda sunt pingua, velut est axungia; suilla: nec absque ratione, quoniam cum plus iusto exiccarentur horum medicamentorum vsu nerui, & partes motui voluntario destinatae, egent humore oblinere, confert insuper ad hoc quoque axungia suilla, ut sui consistentia permaneat hydrargyrum, permiscenda sunt etiam odorata ut aromata, & crocus potissimum. Nam ratione Hydrargyri & proinde ratione veneni, spiritus facile leditur. Hanc noxam corrigimus aromatibus, & præcipue croco, quia in Croco est duplex facultas, non modo corrigens, sed etiam adiuuans. Corrigens, quia ob gratum odorem croci, reficiuntur spiritus. adiuuans, quia crocus sponte & facillime petit caput. Dum utimur hydrargyro, nostrum est institutum ut perat caput: quare habet rationem vehiculi & adiuuantis. Sed aduertendum dum hæc & similia permiscentur cum hydrargyro, ut cum mediocri non insigni copia misceantur, ne vis hydrargyri minuat. Et notate, cum Medici in lue venerea inunctione pariter & suffumigio utuntur; tutius esse & minus periculolum, uti inunctione, nam suffumigium petit partes spirituales; quam si patiens sit robustus secundum thoracem & pulmonem. & malum sit pertinacissimum, licet etiam ad suffumigium ascendere, quod ea ratione, quia suffumigiū ut puto est efficacius inunctione,

inunctione, quoniam vapores inspirati & per os & per nares, petunt caput, cerebrum, ut insurgat & ad expulsionem irritetur. Vtriusque exempla propter Iuniores subiciam. Prioris hoc esto.

℞. Hydrargyri salina ieiuni extincti ℥ s. axungia suilla ℥ iij. misce summa cum diligentia per horam deinde adde olei laurini, de Iunipero, viperini ana ℥ j. misce per semi horam, adde pulueris castorei ℥ iij. Baccarum Iuniperi. Baccarum Lauri ana ℥ ii. Et hic pulvis sensim aut lente proiciatur in medicamentum adde deinde croci ℥ β. cera lota in maluatico ℥ j. misce per duas horas. Posterioris hoc sit.

℞. Præcipitati ℥ j. Hydrargyri sublimati sandaracæ Græcorum, auripigmenti ana ℥ β. Baccarum Lauri. Iuniperi ana ℥ iv. cum resina Terebinthina diluta in decocto baccarum Lauri fiat pasta pro suffumigio. Hæc dicta fuit de compositione hydrargyri, nunc de recta eiusdem administratione: quæ in his 4. conspicitur; videlicet: quantum, quomodo, quando, & ubi his rectè intellectis citra periculum Hydrargyro uti poterimus; secus neglectis.

Primò igitur quo ad quantum agendum; advertere oportet, ex proposito medicamento accipiendam esse dosin, verbi gratia tota quantitas erat 14. vel 15. Vnciarum vos debetis ca-

E

pere eam dosin qua artus inungantur, debet autem ea esse quantitas, vt modò capiat̃is \bar{z} j. modo \bar{z} ii. modò \bar{z} iii. modò \bar{z} iiii. Quid est quod hanc dosin docet? Est actio luis; prout cognoscetis & vehementiorem & remissio-rem esse actionem luis: ita deberis & magis & minus inungere artus.

Quò ad modum; obseruare vt medicamen-
tum quod inungitis sit actu calidum: & vt fiat inunctio fricando: sed consulo vt fricetis chri-
rothecis, non nudis manibus: & frictio fiat à
partibus inferioribus ad superiores: non à su-
perioribus ad inferiores: vt vis vnguenti per
poros melius ingrediatur: siquidem cutis pori
propter frictionem à superioribus ad inferio-
res partes, clauduntur: ab inferioribus ad supe-
riores referantur. Vnde cum hic sit modus ser-
uandus, vt medicamentum sit calidum; & fiat
manibus fricando: varius esse potes secundum
magis & minus, hoc est vt inunctio sit magis
vel minus calida: administretur vel intensiori
vel remissiori frictione.

Et ideo respiciatis ad passionem luis: vt pro
difficiliori passione calidius sit medicamētum
& vehementior fiat frictio, & vt medicamen-
tum detineatur ac penetret: vt non modò cali-
dum administretur sed etiam seruetur actu ca-
lidum. Quare partibus inunctis applicetis pe-
tias lineas & intus immittatis stupam confe-
ctam

etiam ex cannabe.

Quò ad quando agendum, oportet respicere ad præsentiam indicantis, hoc est ad præsentiam luis; & ad id quod prohibet. Igitur fiat inunctio dum adest præsentia luis: si non adest, non debetis inungere. Et licet inungere non semel tantum, sed bis, ter, aut sæpius. Verum consulo ut non excedatis septem vices; quia si non expuit in septem vicibus, nulla spes est, per præsentiam Luis non tantum intelligimus luem præsentem, sed quæ simul cum præsentia indicat: seu quando non cedit, non euacuatur.

Nam si verbi gratia incipiat aliquis expuere post secundam inunctionem; sat est ter inungere non ultra, quia illa lues quævis sit præsens tamen expurgatur: non eget noua inunctione.

Sed quid est quod prohibet? In primis quod prohibet est materia replens totum corpus. Itaque non inungetis corpora, nisi antea totum sit expurgatum. Nam ubi totum est repletum: materia illa impedit, quo minus vis hydrargyri possit permeare: debet etiam alius quotidie liberè fluere. Præterea quod prohibet est materia quæ replet ventriculū; itaque inungatis corpus vacuo ventriculo; quatuor horis ante prandium: idem de cæna est intelligendum, ut & illa sit concocta.

Vnde optimè, & methodicè, practiçantes

progrediuntur qui singulis diebus clysteribus vtuntur cum ager non excernit. Est & virtus debilis, inter ea quæ prohibent numeranda; secundum partes & secundum totum, secundum partes: dum verbi gratia adest vlcus, adest morbus aliquis in partibus oris, in præsentia, seu ante extiterit: morbus ille nobis manifesta re potest, partem illam esse imbecillam.

Et quæso aduertatis ne decipiamini, nõ prohibet inunctionem quodlibet vitium præteritum oris, nam hoc vitium potest esse duplex: ex lue venerea: & potest esse aliunde contractum si sit vitium ex lue venerea; vlcus in lingua, in ore, & labiis: & hoc vlcus sit ablatum, non sit amplius: potestis inungere, quoniam non adest prohibens imbecillitas. Sed si quis reperiatur, qui non sit correptus lue venerea, & sit obnoxius anginae, inflammationi gulæ; & postea corripiatur lue venerea, nequaquam vti debetis inunctione: quia procul dubio angina excitabitur.

Ad hæc quod prohibet ratione virtutis par tis, est virtus quæ pertinet ad nervos, quoties curabitis lue affectos, & sint vel correpti, vel etiam admodum obnoxii, stupori, paralyfi doloribus articulorum: qui tamen affectus non sint Gallici: ibi virtus quoque prohibet: quia procul dubio ex toto adimetur vis illa quæ pertinet ad nervos.

Quod

Quò ad virtutem ratione totius, prohibet quoties adest febris; siue sit venerea, siue non. Et si contingat vt patiens non febricitet, & faciat inunctionem, sequatur autem febris, non pergatis.

Prohibet & macies: siquidem & hæc est signum virtutis debilis secundum totum: similiter etiam vbi pulsus est debilis.

Idem si patiens est puer: quia non potest perferre illam inunctionem, & neruorum adest infirmitas. Neq; etiam senes inungere debetis: nam hæc ætas significat virtutem secundum totum ita constitutam, vt prohibeat inunctionem.

Quò ad vbi agendum, oportet inungere artus citra articulos; inungatis inter articulum & articulum. Quid sit agendum post inunctionem, ne noceat (quia facile est vt quamuis omnia ad sint quæ proposita fuere aliquod occurrat detrimentum) animaduertere debetis dum est administrata inunctio, an virtute inunctionis fiat excreatio nec ne, nam nisi eò respiciatis, quando succedit Euacuatio, & quando non; dubio procul mori poterunt homines. Si ergo succedat Euacuatio, iubeatis vt patiens aurum contineat in ore, nam ea est affinitas inter aurum & Hydrargyrum, vt dum protruditur ab expultrice capitis in os: non ita inficiat oris partes; quia adhæret auro: præterea quia vi huius inun

ctionis, vniuersus cubiculi aer inficitur; ne æger prauum hunc aerem inspiret; iubere debetis vt aer corrigatur odoratis, & vt vergat ad calidum. Et quemadmodum dictum est, partes etiam inunctæ rectæ & calidæ seruentur. Dum autem mediocris facta est euacuatio, & vos perspectum habetis hydrargyrum penetrasse: optimum est occurrere artibus, vt neruosa partes nequaquam afficiantur; & propterea iubeatis postquam moderata est facta euacuatio, vt artus abluantur vino maluatico vel quotidie, vel saltem alternis diebus.

Nec præter rationem erit, vbi adhuc copiosior facta erit Euacuatio vt foneatis artus vino, quod sit alteratum cum lacte, & tandem potestis etiam inungere artus melle, vnâ cum castoreo vel oleo ex castoreo. Tandem absoluta purgatione probatur Balneum secundum totum corpus: quod balneum debet esse actu ita calidum, vt sudet. Estque optimum vt paretur ex aqua communi alterata cum salvia, beronica, calamento montano, Iua, dictamo cretico. Si corpus fortè siccius esset, inungatis artus oleo de castoreo confecto in duplici vase cum vino; consulo etiam vt oleo addatis magnas antidotos: vt in hoc imitemur Galenum, qui passim post administrationem Opii iubet vti calidis: vt deleamus vitium quod ab Opio excitatum est. Idem igitur est seruandum siue fiat inunctio,

ctio, siue suffumigium; nam eadem est ratio.

Sunt autem non tantum inungendi artus secundum articulationes, & secundum reliquas partes: sed etiam secundum spinalem medullam, & proinde vertebrae (loquor de inunctione quæ corrigit nocuum Hydrargyri) & ob hanc causam probantur etiam magnæ antidoti cum conseruis capitalibus & foliis auri. Hoc modo.

℞. Mitridati antiqui ℥ ii. conseruæ ex floribus roris marini, ex floribus betonicæ añ ℥ j. fol. auri nu. vii. cum syrupo de corticibus citri fiat Electuarium. Dosis ℥ ii. ad iij.

Si contingat ut afficiantur oris partes, & vlcuscula oris oriantur: poteritis conficere medicamentum ex cornu cerui, ex scabiosa, quinque folio, virga aurea, cum foliis auri: sic ut in puluerem redigantur, & partibus vlceratis admoveantur. Si hinc proueniat vlcus, quod nimio calore detentus fuit & coopertus eger: unde sanguis contineri nequid præ magna copia; capiatis puluerem ros. rub. cum puluere mirtilorum & sumachana ꝥ s. excipite cum succo Plantaginis, & immitte intra palatum: alioqui accidere posset ut magna sanguinis copia euacuaretur, quod non careret periculo. Si non fiat Euacuatio quid agendum?

Neceffe est ut medicamentis utamini, quorum virtute hydrargyrum extra corpus traha-

E ↗

tur; etenim nequaquam in corpore manere debet hoc in casu maximè probatur medicamentum cuius beneficio copiosus sudor erumpat. Habeo ego nobilem, qui per quinque vi-ces inunctus est: non expuit tamen: nihilominus innumere pustulæ secundum frontem & caput erumpunt: cum ergo non succedat Eua-
cuatio, prouoco sudorem in hypocausto: im-
pero balneum, quod ita calidum esse debet, vt
sudor erumpat. Vt efficacius sudor prouoce-
tur, debetis aquam balnei alterare cum medi-
camentis calidis de quibus supra audiuitis; vi-
delicet calamento montano, carduo s. dicta-
mo eretico: vt liberrimè à centro ad circumfe-
rentiam attrahatis hydrargyrum, & cum illo
luem veneream, nec sufficit vnica vice balneo
vti, sed debetis subinde repetere.

Aduertere autem debetis quandoque vires
adeò esse robustas vt omnem violentiam ferre
possint: quare si nō possint balnea perferre, in-
ungantur illis artus, probatur inunctio etiam
post balneum facta. Supra dixi non tantum ar-
tus inungendos esse, sed etiam vertebrae oleis
de castoreo, de costo: quæ debent decoqui in
duplici vase cum vino, cum rebus iam propo-
sitis calidis, & cum aromatibus vbi hunc in
modum est paratum oleum & decoctum in
duplici vase ad consumptionem vini: post co-
laturam misceatis ceram lotam in vino malua-
tico

tico generoso. & addatis folia auri hæc inunctio mirificè proderit, cuius descriptionem subiiciam propter Iuniores.

℞. Olei de castoreo de costo ana ℥ iii.

Vini aromatici lb. 5.

Dictami cretici.

Calamenthi montani. Cardui s.

Guaiaci ana ℥ iij.

Cinamomi macis ana ℥ j.

Vrgente necessitate sem. sinapis ℥ ij.

Contundenda contundantur crasso modo & fiat infusio per 12. horas dein decoctio in duplici vase ad consumptionem vini, coletur, & seruetur hoc oleum in vase vitreo.

℞. prædicti olei ℥ j. s. fol. auri nu. vii. cere vino generoso lotæ ℥ iii. misce ad ignem, fiat unguentum quo per plures vices artus sunt illinendi. Optimum erit antequam fiat inunctio cum præscripto oleo, vt foueantur partes inungendæ (vt iam sæpè dictū est) vino maluatico calente; vt roboretur calidū innatum iam aliqua ex parte malè affectū vi hydrargyri, post fomentationē & exsiccationem fiat inunctio.

Et hæc dicta sint de medicamentis & ratione totius & ratione luis siue exhibeantur Alexipharmaca, siue alia superest vt breuiter, sed diligenter loquamur de medicamentis symptomata & affectus huius luis respicientibus.

Affectus morbi sunt & symptomata. Quan

E 5

rum ad morbos, si rectè intellexistis, si memoria mandastis, inter morbos libuit recensere febres, dentium casum, bubonas, gummata, verrucas, pustulas, cariem ossium, corruptionem, vlcera, rhagadas, & destillationem.

Quantum ad febrem; aduertatis quænam sit illa febris: Gallica, aut non, (quia sit quâdoque ex alia causa) si non est Gallica, succurratis feбри. Gratia exempli, sit aliquis affectus lue venerea, accipiat decoctum ex Guaiaco, subsequatur febris; intermittite & curate febrem. Ut in putrida biliosa, remouenda est febris per cholagora: quod si sit febris venenata, exhibeantur antidota. Et aduertant hoc loco luenes ne errent in curando: & ratione totius, & ratione luis. Ratione totius; quia nō possumus occurrere lue, nisi prius totū sit expurgatum, & febris remota, quare ratione totius prius secanda vena, nisi sit febris Hectica. Cæterum merito febris omnia debent esse mediocria V. G. si sit febris putrida, non vtimur pilulis cochiis cum helleboro: quibus alioqui vteremur, nisi febris esset coniuncta. Idem de reliquis dicendum.

Ratione luis; Alexipharmaca debent esse mitiora, dum adest febris, quæ prodit à lue venerea: præsertim si sit Hectica: in qua etsi non omnino improbo falsam; tamen magis laudo chinam, quia non ita siccatur, miscere etiam vos
opor.

oportet cichoracea, lactucam. Endiuuiam, buglossam, non licet vti cortice, non Guaiaco, non sassafras quomodo miscenda suo loco dictum est. Breuiter; existente hac febre, non licet prouocare sudorem; quia virtus non permittit: Sed requiritur balneum moderate calidum: & si vrget hectica nimium, licet inungere corpus oleo amygdalarum dulci, violaceo; permista aliqua portione decocti vel sassa vel chinae, imò etiam Guaiaci, sed in parua copia. Et ratio huius medicamenti est sicut aliorum etiam; vt beneficio balnei fiat attractio ad partem beneficio visciditatis sit appositio alimenti, adglutinatio à moderata caliditate olei amygdalini, & frigiditate violacei: intemperies febrilis corrigitur vt fiat assimilatio: vi Guaiaci ossa penetrat; lues à caliditate Guaiaci euocatur: roboratur expultrix vt expellat: vt eodem tempore & lues & febris amoueantur. Et hoc loco notent iuuenes cum Guaiacum applicatur partibus externis: fortasse hic modus alicui videri possit suspectus: quia si capitis vlceri admouerentur Alexipharmaca, vt aduersaria lvi veneræ: & fiat expulsio, timendum ne lues retrocedat ad partes interiores: quod certè in causa esset maximi detrimenti. Ideo sciendum (quemadmodum ex fundamentis à nobis propositis colligere licet) pharmaca agere in facultatem expultricem, hoc est robo-

rare vt expellat luem per loca conuenientia; & non ad intra, sed potius extra. Vnde Practicantes in vlceribus, & malis externis, optima ratione, cum reliquis medicamentis permiscet Alexipharmaca, sed rationem fortassis ignorant.

2. *Dentium*
cura

Quod ad dentium casum oportet contra materiam illam vt detergentibus, quæ est in causa vt gingiua abrasantur, maximè probatur oleum ex sulphure cum oxymelle scillitico & puluere Guaiaci: & non solum licet detergere, sed etiam roborare & astringere postea, quare probatur medicamentum ex mastiche, ex nucibus, & gallis immaturis: ex puluere Plantaginis, Rosarum, hypocystide. Idem vinum austerum cum aqua Rosarum & succo Plātaginis, ac modico vel Guaiaci, vel reliquorum (quæ sunt Alexipharmaca) miscendum.

3. *Bubonis*

Quod ad Bubonas, omnibus modis studeatis vt ocyus ad suppurationem perducatur. Si non eò potest perducì, consulo vt per illam parem studeatis moliri Euacuationem luis. Obseruabitis aliquando in inguine apparere tumorem: si natura non promptè faciat officium, debetis illam adiuuare applicata ventosa cum flama citra scarificationem; & adiuuctis naturam quæ non aperatur, quemadmodum opus esset, itaque vbi videritis tumorem; utimini althæa, adipe suillo, farina hordei, oleo liliorū

liliorum alborum, amygdal. dulcium; ex his fiat Emplastrum, vel applicate Diachylon magnum, & similia, quæ satis sunt nota. Et quotiescunque videritis materiam suppurari, non expectetis integram & absolutam suppurationem: sed aperiatis apostema etiam imaturum; ut citò quantum fieri potest, virulentia egrediatur, facta apertione, diu foramen apertum teneatis cum turunda inuncta, melle & Alexipharmacis per 40. dies, imò etiam 60. quia quò diutius foramen apertum reliqueritis, eò perfectius curabitur lues.

Præterea consulo, ut dum adest tumor; sed materia ita rebellis & contumax, ut nequaquã suppurari queat: applicetis causticum deinde Eschara virtute butyri putrescat, qua amota, imponite non ceream pilulam (sicut fieri solet in fonticulis) sed quæ sit confecta excicere, vel potius ex medulla sambuci. Et si desideratis admodum efficax medicamentum, conficiatur pilula ex cera: sed non simplex, verum in decocto Guaiaci lota; cui sit permixta portio sinapis, aut colocynthis. Si lues videbitur biliosa, portionem scammonij addatis: si pituitosa colocynthis: si melancholica veratri: ut non modò hoc decocto liceat lauare ceram: Sed ex propositis, parare pulverem, & cum cera conficere pilulam: experiemini efficacissimum esse medicamentum.

¶ Gammata

Quotiescunque apparebunt gummata: per-
misceatis cum medicamentis intra corpus su-
mendis, emolientia: vt est althæa, & augeatis
falsam, quia materia quæ satis dura est & cras-
sa, eget emollientibus & attenuantibus: extrin-
secus autem applicabitis medullas, adipēs e-
mollientes; ammoniacum, bdellium, radices
althææ, radices cucumeris agrestis, probatur
etiam in gummate Diachylon cum gummis;
caseus antiquus cum axungia suilla: licet etiam
colocynthidem & veratrum imponere; & vr-
gente necessitate, oportet confuigere ad præ-
cipitatum tanquam ad asylum: apertionem
moliri cum caustico, & locum apertum tene-
re vt supra est dictum.

¶ Verruca

Quantum ad verrucam: aduertere debetis,
an verruca sit tumor admodum durus, an ad-
mittat ligaturam si admittit ligaturam, ligerur
serico: sed hoc non satis est: quare postquam
per ligaturam verruca est extirpata: prospicia-
tis radici, & made facite illam aqua aluminis &
cortice Guaiaci. Si verruca sit plena; habeat
eam confortationem, vt non possit ligari: de-
betis imitari Aëtium, qui docet quomodo ta-
lis tumor sit remouendus. Expedit autem maxi-
me ad mouere Ammoniacum cum aceto: de-
inde aquam ardentem in qua sit macerata al-
thæa pro emollitione Guaiacum; porectis as-
cendere ad præcipitatum, ad squamam æris,
ad

ad calcem extinctam cum oleo viperino : & admoueat is etiam puluerem verrucæ (hoc aliqui habent pro maximo secreto) addatis sal minerale.

Sed obseruetis facile euenire posse, vt ob vehementiam caliditatis propositorum medicamentorum, verruca inflāmetur, & ideo ad arcendam inflammationem, circumcirca & supra proposita medicamenta, admoueat is vnguentum de cerusa.

Quò verò ad pustulas: videndum est an sint in ore, vel in aliis corporis partibus. Si affigūt oris partes, expedit illas fouere decocto Guaiaci quod patiens assumit. Sed aduertatis an cum istis pustulis dolor sit coniunctus; quia si dolor adest, expedit vt sero lactis chalybeato: nam siccabit is & mitigabit is dolorem, si contingat vt pustulæ serpent; potest is sero lactis chalybeato addere plantaginem, rosas. Horum medicamentorum beneficio prohibebitis quò minus vltèrius malum serpat. Si contingat vt annexus sit feruor, insignis aestus; addatis sero chalybeato hordeum, quin imò etiam lactucam, quia non potest is curare, nisi remoto feruore, si contingat vt pustulæ sint putrilaginosæ, addatis sero lactis scabiosam, Cornu cerui, alumen vt V. G. pro singula vncia feri lactis chalybeati poteritis permiscere v. vsque ad x. scabiosæ & propositorum.

8 Pustulae
de
Si autem pustulae non sint in ore, sed in aliis partibus, maximè prodest oblinire locos affectos spuma decocti ex Guaiaco, sed potestis etiam addere scabiosam rotundam, & dum pustulae sunt contumaces, ascendatis ad præcipitatum, quod non exhibetur, sed applicatur. Si dolor vrgeat addatis seuum hircinum, seu lactis chalybeatum, verum huiusmodi pustulae sæpè virtute ipsius decocti extirpantur.

9 Caries
Quò ad cariem; expedit siccare cum pulvere Tutiae, lithargyri: cum pulvere cort. Guaiaci: & supponatis vnguentum ex Tutia. Quandoque in carie conspicietis vehementem forditiem: quare imperetis vt chirurgi imponant Aegyptiacum: oleum ex calcantho: & potissimum probatur præcipitatum: & supra (ne oboriatur inflammatio) ponatis vnguentum de cerusa. Post mundificationem sufficit peria madafacta in Guaiaco, & vnguentum de Tutia.

10 Corruptio ossis
Quò ad corruptionem ossium; sciatis non esse frustra affligendos egros; & esse necessariū ad fortiora ascendere quamprimum, quare quando erit os corruptum, detectum; oportet vi oleo ex sulphure, ex calcantho, ferro, candente; si citra periculum possit administrari. Sed causa inflammationis quoniam ea facile oboriri potest, imponatur vnguentum de cerusa; quod magis probo quam linimentum simplex: quia recipit solatium, & est medicamentum

tum satis infensum calido innato, quare non probo, vbi est extirpata lues, oportet replere, agglutinare, cicatrizare.

Quò ad reliqua vlcera, similiter vt dictum est occurrendum; & potissimum hoc est obseruandum, vt cum reliquis medicamentis misceantur Alexipharmaca. nam vt scitis horum beneficio roboratur expultrix loci affecti, vt virulentiam expellat.

Quò ad Rhagadas, sæpè contingere solet vt adimantur beneficio decocti. Vnde si non cedant potestis fouere Guaiaco, Scabiosa, Scordio, Quinquefolio. Sed aduertite quandoque durities est adnexa: quare addatis Althæam, Maluam, calcem extrictam cum adipe gallinæ, Ammoniaco: quod si admodum vrgeat, & vehemens sit lues, vt non cedat, probatur inunctio ex Hydrargyro, qualis fuit proposita. potestis adhibere præcipitatum: licet suffumigare partes affectas, volas manuum & pedum: de quo suo loco dictum est. Potestis etiam hoc linimento vti, quod admodum est efficax.

℞. Hydrargyri salina exticti ʒ iij. pulueris Guaiaci ʒ ij. Scabiosæ. Scordij añ ʒ j. Cera lotæ in decocto Scordij ʒ iij. misce pro linimento.

Ita igitur vobis licebit vti his medicamentis, vt rhagadas & fissuras deleatis. Quò verò ad dolorem ratione luis Venereæ, oportet vti

F

Alexipharmacis, & intus & extra. Intus (obser-
uate hoc quando ordinatis decoctum) vt au-
geatis dosin falsæ, & rationem in superioribus
intellexistis. Extra debetis partes fouere Guaia
co ratione luis: est enim magis efficax ad robo-
randam expultricem quàm falsâ, vt robusta
reddita expultrix, expellat luem. Ratione do-
loris, quia lue Venerea correptus, doloribus
cruciatur, quibus occurrendum est, & respi-
ciendum ad causam. Intus augenda est dosis
chinæ, china est efficacior ad mitigandum do-
lorem, quàm falsâ, quàm Guaiacû: ei licet per-
miscere Althæam, Maluam, quandoque ascen-
dere ad Mitridatum recens, vt in hoc viget fa-
cultas Opij. Extra autem potestis dolenti parti
applicare medicamentum confectum ex Ane-
tho, Malua, Althea, Meliloto, & Fœnogræco.
Si respiciamus ad dolorem, non ad Luem: pro-
batur medicamentum paratum ex adipibus,
ex lacte cum pane. probatur etiam omentum
Vituli vel castrati, quod sit calefactum cum
propositis medicamentis: & nequaquam con-
sulo vt ad Opium ascendatis: quia partes ex-
trinsecæ nequaquam sunt tangendæ Opio.
Quò ad tinnitum, quia quandoque cruciat pa-
tientes, corpore & capite expurgatis, poteritis
vti oleo destillato ex Guaiaco cum Adipe an-
serino. Probatur Elixir cum oleo Amygdala-
rum amararum: etiam vehementioribus, quia
aures

aures sustinent fortissima medicamenta. Et quia malum est pertinacissimum, illius presentia admodum diu solet durare. Quare instandum est medicamenti iis que vtendum per aliquot menses.

Quò ad Gonorrhæam, si non cedit decocto Guaiaci post 20. dies, licet vti medicamentis & intus & extra. Intus hoc quod sequitur.

R. Sem. Lactucæ Viticis

Cannabis añ ʒ ij.

Pulueris falsæ ʒ j.

Conseruæ ex Nymphæa ʒ iiij.

Ex Betonica ʒ j.

Cum syrupo de capill. Veneris fiat Electuarium. cuius dosis à ʒ j ad ʒ ss ante syrupum matutinum.

Nos in hoc electuario miscemus Betonicam & Capillos Veneris pro vehiculo reliquorum: non explico vltius rationem huius præscripti medicamenti: quia patet ex alibi traditis.

Extra applicate medicamentum peritonæo, quod sit confectum ex oleo Mastichino, decoctum in duplici vase cum vino austero, additis nucibus Cupressi, additis Gallis. & quotiescunque facta est hæc decoctio, & per expressionem facta colatura huius olei: pro singula vncia olei addetis ʒ j ss Cera, quæ sit lota vino austero, contemperato cum Guaiaco.

Depilatio
Quantum ad depilationem, iubeatis vt pili abradantur Luna crescente, & nihil applicetis primis xv. dieb. quantumuis vergeat agri: nam sæpè virtute solius decocti pili renascuntur. post xv. dies licet aliquid applicare: sed hoc nequaquam sit astringens, propter luem quæ non est cohibenda sed euocanda. Ita vt si vtamur aliquo quod sit aliqua ex parte crassæ substantiæ, roboret, & non astringat. Quare poterit ablui cum lixiuio moderato confecto cum Abrotano & surfuribus: & potestis ascendere vsque ad radices Cannarum decoquendas in lixiuio: his adiicietis Scabiosam & Fumariam.

Quandoque pruritus exercet agros: quare addatis Hordeum: quandoque ariditas coniuncta est: & tunc Maluam apponite. In depilatione probatur talis inunctio.

℞. Olei Amygdal. dulcium ℥ j.

Decocti Guaiaci ℥ ij.

Abrotani ℥ j.

Thapsiæ ℥ ss.

Fiat decoctio in duplici vase ad consumptionem decocti: colentur adde faui mellis ℥ ss. Vitelli oui. olei ex Garyophi. non destillati ℥ j ss misce. Maximè probatur, & efficacissimum quoque est oleum ex fauo mellis, ex Vitellis ouorum. Sed & assiduò debetis admiscere Alexipharmaca. Hæc dicta sunt de medicamentis: Nunc de diæta. Aer probatur calidus: & sit
aër

aër cubiculi propter sudorem: propter insensibilem etiam transpirationem. Et propterea in maximo versantur errore qui permittunt suis egris vt egrediantur cubiculo: quia vt scitis hec Alexipharmaca reddunt totius corporis facultatem expultricem robustam, vt propterea egredi non debeant & se aëri exponere: quia transpiratio impeditur.

Quò ad cibum & potum, aduertendum vt tempore purgationis victus sit mediocris, & potius vergat ad pleniorē. Pro statu corporis debet esse medicinalis. Vt V. G. in corpore bilioso, debet esse refrigerans. Potus debet esse vinum oligophorum, aquosum. Contrà si corpus sit frigidius, vtpote in ætate senili, tempore frigido, ante purgationem, sit potus vini, victus non refrigerans. Tempore autem medicationis quo assumit decoctum, & tempore quo administrabitur Hydrargyrum, quomodo procedendum cum cibo & potu?

Quò ad decoctum, cibus circa primos & vltimos dies debet esse minus tenuis: non est faciendus transitus de extremo in extremum sine medio. Quare in principio & fine, victus sit minus tenuis, vt medio tempore expediat abstinere à carnibus. V. G. patiens accipit decoctum per 40. dies: per decem dies primos & postremos concedatis carnem: per 20. dies medios abstinebitis, nisi vires sint debiles vt in

Hecticis. comedant autem amygdalas dulces, passulas, pistacia, &c.

Panis sit coctus, quandoque mediocriter, quandoque assatus, aliquando etiam paratus cum Alexipharmacis. Et sciatis quod ægris nūc hoc, nunc illo modo paratus panis, sit utilis: contra eos qui Medicos vituperant quod exhibeant biscoctum, assatum: hi dum alios reprehendunt; ipsi reprehensione sunt digni. Neque obstat quod adferunt Galeni auctoritatem, de aliment. facult. 2. ubi improbat panem violentia coctum, panem assatum: quia inquit, dum redditur panis testaceus ob vehementiam coctionis, est exigui nutrimenti, difficilima nutritionis: & proinde nequaquam exhibendus. & Galenus loco citato loquitur de aliment. facult. non de medicamentis: & propterea si contingat ut lue Venerea correptus, ventriculum habeat debilem, non debetis exhibere panem biscoctum, quia difficillimè concoquitur. Vbi est corpus quod facile obstructione tentatur, similiter, si fuerit Hecticus nequaquam, quia egemus copioso alimento. Contra si lues Venerea sit melancholica, si ventriculus robustus, si non sit obnoxius obstructionibus ager, si corpus non sit emaciatum: & lues Venerea magna ex parte sit pituitosa, non modò licet exhibere panem biscoctum, sed expedit etiam panem cum Alexipharma-

pharmacis confectum alteratumque dare: & pilulas ante cibum. nam hæ miscebuntur cum cibis, cum alimentis, & alimentum ex toto euadat medicamentosum: ex toto aduersarium lvi Veneræ.

Quod dictum est de pane, idem dicendum de carne: non debetis omnes eodem modo tractare. Quare oportet vti carnibus modò assis, modò elixis. In lue pituitosa probantur assa: in melancholica, elixa. Modus.

Alterantibus cibis modò calidis, modò frigidis vtendum pro varia corporis patientis constitutione. Hoc propterea est obseruandum, vt parcior sit cibus in prandio, quàm in cœna. ratio est, quia oportet bis in die syrupum exhibere: vnde propter maius interual- lum, inter cœnam & syrupum matutinum, licet in maiori quantitate exhibere cibum. Plæ- rique hoc non obseruant, sed malè

Potus sit secundum decoctum, paratum modò cum aqua, modò cum vino, modò cum iure.

Quoad Hydrargyrum, eo tempore quo ho- mo potest masticare, exhibeatis carnes, pa- nem, vinum etiam, sed aquosum, non mera- cum, sicuti fecerunt nonnulli, qui inter nebu- lones possunt numerari, eò quod multi homi- nes miserè hoc modo interierunt. Detis vos contusum: detis destillatum: non exhibeatis

vinum: quia dum inunguntur ægri, magnam percipiunt inflammationem in ore, & fieri potest ut suffocentur. Cum autem incipiunt masticare, potestis exhibere carnem, & vinum etiam.

Quantum ad somnum attinet, dormiant patientes per horam post assumptum syrupum: non illico debent sudare: bonum est ut per horam dormiant. Curandum quoque ut aluus quotidie liberè fluat. nam excrementa quæ in corpore latent, impediunt quò minus illa lues expelli possit.

Motus quoque tum corporis, tum animi, consistant in mediocritate.

Hæc habui ornatissimi doctissimi que iuvenes quæ de lue Venerea proferrem: quæ si diligenter expendieritis, & in curandis ægris, hoc affectu correptis, obseruaueritis: non est dubium, quin hoc vitium quantumuis pertinax, facile sitis propulsuri.

F I N I S.